

# 養心用心論

觀雲



吾人之得一新理想也。每多在初日。方興曉鐘乍動。一清晨之時期。中孟子稱平日之氣。近世大哲學家笛卡兒。其哲學之思索。多在朝床中。構成世以愉惰不思。振作之人。為暮氣暮氣者。朝氣之反對。然則朝時之與吾人心理。必有特別相關之處。而其相關之理。果何在。乎。近時學者。攷朝時空氣中。以一種化合之作用。出新阿巽。此新阿巽。能爽健人之精神。是固然。然此猶僅據外境言之。而於心理上之內境。尙必別有其故。在是無他。吾人腦中之愛耐。盧尼積一日之動作。以漸消耗。而以夜間休養。而恢復之。至於朝則正愛耐。盧尼充實。滿足而思。逞其活動之時。而所謂新理想者。即此愛耐。盧尼逞其活動之時之一產物。

按心理學有曰。自動性。自動性者。不受外來何等之激刺。而原子自行運動。是即成。

養心用心論

形元固有之。本性而所謂活力者是也。篇中所謂活動蓋即心理學所謂自動性耳。而此活動之一時期未易猝遭必於一日作爲之後。經一夜之寧息與天地日夜運行之一大法相準。而當靜極欲動之際。乃能湧現此一靈敏之境。則其理無他。心之用則必養養則能用。而以此爲交互間最適當之時期焉而已。

又試進攷此新理想之發生。其本原果何自而來乎。則必於心理上有兩個以上之觀念聯合而構成一新觀念。而後所謂新理想者生。

按言必有兩個以上之觀念者。蓋吾人若僅有一個之觀念。則新理想無從發生。故其數不能不限以兩個以上。例若今時言新學者。若僅有君之一觀念。則君以外無何等思想之可得。若既有一君之觀念。而又有民權之觀念。又有一民智之觀念。於是三者聯合而即可得一新理想。如云民智未開則當用君權。民智已開則當用民權是也。然此不過舉其槩略言之。其實心象上觀念之配合。其奇妙殆不可思議。故夫吾人心理上之觀念。無窮。觀念與觀念聯結之因緣。無窮。從而吾人人類所產出之理想。亦無窮。猶之進化論者。謂兩異種合并則一新種發生。凡天地間事物之

所以繁多而理想之所以復賾者其故蓋皆由於此也。

雖然觀念與觀念之聯合也必先有一觀念之動而後其餘之觀念以連鎖而相繼而起而此動之之法則有二種一新觀念之入來而動者一舊觀念之復起而動者新觀念之入來而動者以一新有之觀念喚起其舊有之觀念由是而產出新觀念者如見

梧桐一葉落而知天下之秋又若古人有謀於野則獲蓋以野則多有外景之接觸而

易於收得新觀念故也。所謂詩思在灞橋風雪驢子背上者亦即此理舊觀念之復起而動者不待外來何等之感

觸而從舊日所有之觀念中以此觀念喚起彼之觀念由是而產出新觀念者如吾人

知有性善之說又知有進化論之說而以進化論之理言性善則所謂性善者不得謂

之天賦之固有性而當謂之進化之遺傳性是也此二種前者外動的受動的而後者

內動的自動的而吾人理想之構成尤以後一種為多而此二種觀念之發起也又必

有二個之條件一生理之協助如疾病疲倦則一切之觀念皆難發顯是也一意識之

空虛蓋吾人意識之區域若有一種之觀念占領則他觀念無發生之機若吾人有一

憂慮之事不能解釋其時意識之區域皆為此憂慮所充滿而他觀念均在所擠拒之

列此二種中從心理之一方以言則意識之空虛尤重關於意識區域之占領又有二種一單一之占領一雜多之占領單一之占領者如吾人若有愛慕之一物念念皆不能捨是也雜多之占領者馳騁紛擾散亂集沓之心是也而吾人之欲空虛其意識也則必先清淨其心無逐於外緣無紛於內擾使意識之區域洞洞然不儲一物而後理境上之觀念鳶飛魚躍自呈其活潑之機而觀念與觀念之融合不自知而一新理想發生要其故固由於養心用心之得其道矣

賀渾氏之近世哲學 日本有賀長雄譯

剖明心與物兩者之不同其言以為物質經使用而必

壞損凡種種器具無不皆然而心獨反是愈用則愈赴於銳敏若廢止而不用則反歸於衰滅以是為心與物分界之所在其言固含有一理顧余於此說則尚有不能替同者夫心與物當以若何為確當之區別乎茲以非題限不及陳而以關於使用者言之則余以為心與物其理相同今夫謂心愈用而愈赴於銳敏者物亦然若刀以用之之故則日顯其銳利是也然其間自有一限極之境若過乎此限則其物以銷耗而漸失其用吾人之用心也亦然若過乎其適當之程則疲倦來而於事理之分際不能深入

又若謂心以不用之故而反歸于衰滅者物亦然。夫一刀也久不用則鏽生而失其  
銛利。如心不用之人積久必益昏愚者同。又如今時一般人所想像以物爲有礙體心  
爲無礙體。余亦未敢謂然。以余所見心固明明有礙者也。試略舉之。如吾人之心注於  
一物則一物存在於吾心中。而此物以外同時種種之物其存在皆在。若有若無之間  
必待吾心之拋此一物復注於彼之一物而後彼物乃能顯其存在之狀。然既注於  
彼物則其餘一切諸物又不能不在拋棄之列。總之吾人之心思一物則同時不能復  
思他物。亦若物之有一定之容量。然有一物也已滿其容量則他物不能不擯之。容量  
以外是也。又若吾人於未知一理未聞一說之前則以何理何說投之而無不能受。然  
若有一先入爲主之說已固執於心中則凡繼此所聞之理與說有與其先說相違異  
者於心理上必顯其反抗性。奉前說而拒新說而成一衝突之象。此即守舊根原之所  
自來。蓋衆生本無自性。其若有自性而不能相通則以心之爲物習於此則必執此習  
於彼則必執彼。亦若物體之置於此則着此置於彼則着彼。彼此非明明心之有礙而何  
乎。佛教之言心也。余最服訶梨跋摩之論。以爲遠出大乘唯心唯識論之上。訶梨跋摩

蓋分天地萬有之境爲三。曰第一義諦。曰世諦。亦曰真諦。曰俗諦。曰第一義諦者。最上之實在。涅槃與真如是也。曰世諦。又曰真諦者。心也。曰俗諦者。物也。佛教通例立真妄二諦。或區之爲有爲無爲。以訶梨跋摩之三諦分屬之。則第一義諦爲真。而世諦又曰真諦。與俗諦皆妄。第一義諦屬無爲。而世諦又曰真諦。與俗諦屬有爲。即以物與心相較。則物爲假。而心爲真。然以心與物與真如相較。則心與物皆假。而惟真如爲真。爲混心於真如者。立一界限。而以心爲極微。所成極微。與分子同義。分子析之。至盡。有有質。無質。兩說。要之。既有分子之名。究不能斷爲真無。惟析之。至盡。而近於無。而實即爲有質之始。若以心爲極微。所成之說。而成立乎。

按心爲極微。所成必不可得。而見今但從其已成形後。攷之。心理學家論神經纖維。謂舌之動神經。以五千纖維成。眼之動神經。以一萬五千纖維成。視神經。以十萬纖維成。又倍因氏謂掩大腦半球之灰白質。通計含有十二億萬細胞。纖維之數四倍。當有四十八億萬纖維。又有論纖維之小者。直徑一因吉之千二百分一。乃至三千分。而無髓纖維。比之更小。一因吉之六千分一。乃至八千分一。脊髓及腦髓灰白質。

中之纖維。一因吉之七千分一乃至一萬四千分一。其極者。僅不過一因吉之十萬分一。又西爾載氏細分種種之纖維。其極細微者。須五百倍乃至八百倍之顯微鏡。僅得見之。而其內部之構造。終不能識別。西爾載氏名之爲神經原始纖維。又奧篤留氏攷劇烈之苦痛。由纖維之最微部分繼續中絕。又心象之發生。由於覺性。而司覺性者。屬神經纖維。據此。則心爲極微所成。略可推見其端倪矣。

是物固有質。而心亦有質。惟真如則無質之可言。佛家亦謂之空。但雖空而故真如無礙之

說。得以成立。而心與物無礙之說。皆不得成立。蓋從其迹象言之。則心爲物之精者。而

物爲心之粗者。於物之中。又自有精粗之別。如爪等則比而從其本原言之。實同一體。不得謂

心有一元。而物又自有一元。故唯心論之與唯物論。其究不能不歸於一。於佛教之密宗

而心物固有一共同之性。吾人知其有一共同之性。則可爲心與物立一公例。曰不用

則做過用。則亦做。而吾人即可本此以定治心之法者也。

附識 按佛教所謂真如。以今時學術語言之。可謂之元素之元素。元素之元素。其

說能成立與否。今尙未有定論。惟欲以一元論說明萬有之本體。則此說最爲可取。

故屢爲古今學者所唱。古代希臘海雷阿學派前歷五六世紀時代以宇宙惟有一實在爲眞。一

切萬象差別皆爲妄境。其所謂實在則無始無終不生滅不可割。惟一不二不變不

動。平等一如。與佛教所說同一。又海雷阿學派以爲思想即實在。關於此語。學者有

二種解釋之不同。一以爲思想即實在者。物爲安心爲眞。故吾人之心即天地之本

原。所謂衆生有如來藏心者。而或學者更進一解。以爲吾人之感官不能知天地之

眞。惟吾人之思想知有眞之一境。換言之。即天地之眞爲吾人所不得而見。惟吾人

之心得而思想之而已。然吾人之心尙不得直接謂爲即天地之本原。但心與物不論

來未曾於佛教各派中亦含有此二義。所謂眞如緣起。屬前者。所謂賴起緣起。業感

緣起。屬後者。余則取後者之說。又莊子大宗師篇云。前略朝徹而後能見獨。見獨而

後能無古今。無古今而後能入於不死不生。殺生者不死。生生者不生。殺生生之說

佛教以萬有爲衆緣所生。無殺生者亦無生生者。其爲物無不將也。無不迎也。無不毀也。無不成也。其名爲櫻寧。

又列子天瑞篇云。有生不生。有化不化。不生者能生生。不化者能化化。不生者疑獨。

不化者往復。其際不可終。疑獨其道不可窮。又曰。有生者。有生者。有形者。有形形



者。有聲者。有聲聲者。有色者。有色色者。有味者。有味味者。生之所生者死矣。而生生者未嘗終。形之所形者實矣。而形形者未嘗有。聲之所聲者聞矣。而聲聲者未嘗發。色之所色者彰矣。而色色者未嘗顯。味之所味者嘗矣。而味味者未嘗呈。皆無爲之職也。無知也。無能也。而無不知也。無不能也。又引黃帝書曰。谷神不死。是謂玄牝。玄牝之門。是謂天地根。其曰攫窞曰谷神曰玄牝曰無爲曰殺生者曰生生者。雖與佛教所謂真如略異。皆以此爲對於萬有界之一真體。其意同曰獨即所謂惟一不變曰無古今曰不可終不可窮即所謂無始無終無際限曰不生曰不死曰不化即所謂無生滅以此可略徵希臘印度中國古代學者探索萬有之本原其思想所到達點固有相同者在也。海雷阿學派之開祖巴門兌士大約與釋迦莊列之時代無甚先後惟巴門兌士在希臘學派中甚不顯蓋希臘學說極盛於梭格拉底柏拉圖阿里士多得

諸大家所掩故也

雅賓胥爾云吾人之智慧不能一時間包括萬有必待先後而後能認識之是吾人智慧之一失也。又吾人智慧必待時間之經過而後能認識其物故其認識也不能不零碎的是吾人智慧之二失也。又吾人之智識因時間之經過其勢不能無遺忘

苟○一○時○間○記○憶○一○物○同○時○不○能○不○遺○忘○他○物○是○吾○人○智○慧○之○三○失○也○故○吾○人○之○智○慧○非○精○神○之○本○原○也○云○云○今○心○理○學○實○驗○意○識○所○能○容○同○時○能○至○四○個○以○上○至○十○五○個○又○觸○覺○之○印○象○同○時○能○至○五○個○六○個○然○意○識○與○他○種○心○象○若○思○想○等○事○不○同○意○識○之○界○限○稍○寬○如○吾○人○與○數○人○相○對○能○同○時○俱○上○於○意○識○之○間○而○他○種○之○心○象○若○思○想○等○則○甚○有○質○礙○然○雖○實○驗○意○識○能○容○數○個○而○心○有○限○量○之○義○仍○在○故○吾○人○之○心○理○當○謂○之○有○限○的○非○無○限○的○辨○別○此○理○有○與○一○大○問○題○相○交○涉○即○哲○學○所○謂○天○地○之○本○原○不○能○不○謂○之○無○限○的○而○吾○人○之○心○屬○有○限○的○則○吾○人○之○心○與○天○地○之○本○原○其○間○尚○隔○一○層○不○得○直○接○謂○心○即○天○地○之○本○原○雅○賓○胥○爾○亦○注○意○及○此○以○為○非○精○神○之○本○原○此○事○為○哲○學○之○一○大○爭○點○於○佛○教○主○賴○耶○緣○起○者○即○心○與○天○地○之○本○原○隔○離○之○說○主○真○如○緣○起○者○則○以○心○為○直○接○即○天○地○之○本○原○之○說○也○

(未完)





## 時局

## 日俄戰爭之終局

主父

本社案本文承作者於一月前見寄。雖其所論。在今日情勢。稍有變遷。然其大體。終可爲我國鑑。讀者幸勿以明日黃花見誚幸甚。

十九世紀下半期。科學進步。器械發明。而世界之大勢一變。昔之以大西洋爲競爭之中心者。今則一變而爲太平洋。昔之以與國爲競爭之敵體者。今則一變而爲人種之衝突。昔之以殺敵致果爲取勝之資者。今則以減其戰鬥力爲制敵之本。雖然。西伯利亞鐵道通矣。中央亞細亞交通成矣。歐亞兩大陸聯絡貫通矣。太平洋大西洋海底電線魚貫環卸。靈通敏捷矣。聚兩種於一室。合兩洲爲一國。宗教異。歷史殊。民情歧。利害反。軋轢齟齬。其不相見於軍戎者。其何可得。猗歟哉。二十世紀劈頭之大戰爭也。無烟火藥之發明。輕氣球之飛揚。無線電信之應用。吾人自旁觀之。有不禁眉飛色舞。拍掌

喝采。贊賞不置者。壯觀哉。二十世紀日俄之大戰爭也。

日俄戰爭。自何而始。曰。自滿洲問題而始也。滿洲問題。自何而始。曰。自俄羅斯之南下。侵畧而始也。有侵畧。則必有敵禦之者。則滿洲問題之決也。不於日俄之戰爭。而於清俄之戰爭。毋如我國。苟安懦柔。自棄其敵禦之責。生殺予奪。一聽於敵。而敵復不能獨決之。乃有第三國之干涉起。則滿洲問題之決也。不於清俄之戰爭。而於日俄之戰爭。今勝負決矣。媾和定矣。日俄兩國之全權出矣。是時也。我國民其如何懸想。如何虛測。如何驚心動魄。憂懼徬徨。以推定此滿洲問題最終之一日。雖然。欲知滿洲問題最終之一日。則不可不知日俄兩黨所以開戰之宗旨。甲勝則甲之主義行。乙勝則乙之勢力張。甲乙必居一於此者。傷心哉。我國領土。乃在兩國股掌之中也。

今就兩國戰爭之宗旨言之。日本所以戰俄之名。曰。保全支那。擁護韓國也。夫滿亡則韓亡。清亡則日危。以俄羅斯世界統一之暴慾。得隴望蜀。侵畧不已。勢不至席卷八荒。囊括宇宙不止。歐洲之所以得免此禍者。以英國創之耳。苟俄國於亞細亞南下之策。既遂。我國既亡。何有於日。輔車相依。唇亡齒寒。古訓在邇。不其信哉。雖然。進求其所以

戰俄之實。則又異是。夫日本之人。歲有所益。其面積復不足以容之。欲求移殖。而澳洲等處。復遭排斥。乃忽有一水盈盈。曾不容刀之滿。韓而又地利天產。天然授以取弱攻昧之機。者於是擴張領土之計。不得不起。庸詎知遼東半島得而復失。韓國勢力分而不全。爲之敵者。皆屬強俄。爲日本計。殆默爾而息乎。抑致命以爭乎。則是役也。日人生存之戰也。今溯之去來。一世紀間。俄國之所以侮日者。幾於無所不至。無時或息。如當日本幕府之頃。乘其多事。而強取樺太之領土。乘其力弱。而藉守禦爲名。占領對馬之海峽。其尤爲日本痛心疾首。吞聲啣骨。引爲不共戴天者。無如三國干涉。還附遼東之舉。况乎口血未乾。前言在邇。昔之以日本割據遼東。攪亂東洋之和平。而脅使還之者。今乃泰然不忌。而自取之。爲日本計。其殆飲恨而終乎。抑捐軀以戰乎。則是役也。日人復仇之戰也。夫考之於公也。旣如此。徵之於私也。又如彼。於是而遠因而近。果而公而私。而怨而慾。而保全支那擁護韓國之義戰。以始。

夫俄國者。據有天然之地勢。世界之雄國也。以攻畧爲國。是以急烈爲宗旨。世界之公敵也。其對於世界。攻畧之策有二。一自其弱處而攻之。一乘其多亂而取之。自其弱處。

而攻之者何。俄羅斯之欲展腕伸臂大逞於天下也久矣。母如限於天事而挫沮於人力而挫進愈急。挫愈甚而方向愈變。以彼始也。欲經營東方而乏天然之良港。乃一變而欲出白海。復沮於堅冰之北冰洋。其謀頓蹶。乃徬徨回顧。計惟自黑海率鱗艫。振海軍遊弋地中海。其可。又爲天然之強敵。英吉利所吮制。鬱鬱而不得伸。遲之又久。乃眷東顧。遂得一勢力發展之地焉。南下政畧所由來也。乘其多亂而取之者何。諺所謂乘風放火。乘火行劫。盜賊之行也。彼於日本多事之時。而竊取樺太。於我國與英法聯軍戰爭時。而侵畧西伯利亞。於中東戰爭時。而覬覦遼東。於日韓軋轢時。而樹北韓之勢力於義和團事變時。而據有滿洲。其待東亞諸國。蓋無一而非虎狼其心。盜賊其行者。吁。世界何不幸而有此大盜哉。

俄國之經營東方也。活潑敏捷。縱橫自如。久爲各國所不及。其主政者可分爲二。一爲外務部。一爲大藏省。今以其外部之成績言之。俄羅斯古以善外交名。事事皆有我國戰國策之風。概昔之行於歐羅巴者。甘飴反間。詭詐權術。固無論矣。其於我國之敗於英法聯軍也。利用調停。而得西伯利亞之報酬。其於我國甲午之役也。利其仇日之心。

而與李鴻章訂立密約。立南下之基。其於日韓軋轢也。利其排日之心。而煽惑韓廷。樹北韓之幟。其於庚子之役也。暗許我國以調停。復欲訂立密約。旋爲英美所干涉。觀於日俄戰爭。交涉之始。心欲戰而貌欲和。陰欲戰而陽欲和。遷延玩弄。鬼蜮莫測。卒之得以從容布置。固軍事之根據。定戰守之基礎。凡如此類。不可枚舉。謂非外交之巧。其孰而可。雖然。豈特此哉。世有不費一兵。不發一彈。樽俎談笑。而取安爾。畧沿海州。蠶食至浦鹽斯德之近處。坐收三百萬方里之領土於我國者。世復有指無爲有。強人爲己。而坐收樺太領土於日本者。一爲思之。不其悖夫。不其悖夫。

次乎此者。其爲大藏省之政畧矣。夫西伯利亞鐵道。旣爲大藏省之雄圖。而得隴望蜀。貪慾未已。更進而建設東清鐵道。揣其初意。如呵羅哭達。阿爾韓格斯齊衣。鐵道如帕米爾。可德辣斯。鐵道等。特爲地方之謀利計耳。迨經營旣成。利無所得。而東清鐵道之宗旨。猝然一變。昔之欲以短線路。聯絡浦鹽斯德。與俄羅斯內地者。今乃以西伯利亞鐵道。國家之義。變爲國際之義。使西歐東亞。聯屬貫通。更進而求不冰港於太平洋。於是而關東半島租借之交涉。始於是。而軍港立於是。而海軍之根據地成於是。而南下

之志如瀉大海如燎大原轟烈膨脹不可嚮邇雖然大藏省之計畫豈僅是哉其欲擴充商業勢力於遠東也以浦鹽斯德未足展其鴻猷乃集全力建達爾市欲爲遠東之一大市場復爲貨物運輸計於上海芝罘購置船舶往來東亞各港而東清鐵道會社幾爲極東經營之全權關東半島租借之交涉隸之東清鐵道守備之責亦隸之雖外債內帑蕩盡無遺其所成就亦偉矣哉

雖然美服患人指高明逼神惡尤物之爲造物忌也久矣俄國之敗亦其宜也何以言之自西伯利亞之鐵道成而亞細亞之全局皆震其勢不獨於滿韓亦並波及於印度不獨求敵於亞日亦並求敵於歐英今舉其大概言之叫連布爾古在烏辣爾沿岸初不過歐亞兩洲商務之集散地而已耳迨達修耿奪之鐵道開通俄國利用之以伸勢力於中亞細亞乃成軍事之要衝一旦有事由高加索經卡士皮安輸送軍隊甚便而土耳其斯坦阿弗監適爲權力展揚之地自是以後印度之防禦重矣夫英俄兩國利害之相反也如此則巴爾幹阿弗加尼士坦哈密爾印度西藏諸地之衝突時所難免而其成敗利鈍一不得不決之於中亞細亞一更不得不決之於巴爾幹及地中海質而



言之。英國於印度、新嘉坡、香港、威海衛與本國之聯絡安則蘇彝士運河與埃及安苟於極東之勢力一旦爲俄國所傾敗則英領諸地在在堪危。英人知之稔也。故於俄國遠東之政畧猜忌傾軋務必思所以覆之。如俄國欲得不冰港於太平洋也。乃租借威海衛以爲抵制之舉。俄國之據滿洲也。乃畧取西藏以爲平衡之計。其顯然露敵愾示排擊針鋒相對毫無假貸者則曰日英聯盟是。

雖然爲俄敵者豈獨英日爲然哉。回憶俄國占領牛莊之時而有赫然震怒請我國開放奉天大東溝者矣。憤暴俄之猖獗而有派遣威士孔新辣列新西辣基及阿爾巴尼諸艦於極東作示威運動者矣。日俄戰釁將開而有四十九隻軍艦分配亞細亞海面之說者矣。是國也非握東亞商業之霸權抱們羅主義之雄圖之美利堅耶。非以我國北清爲遠東絕大市場而歲輸出品至三分之一耶。非以滿洲入於強俄而必重徵苛稅排斥外商必將有大不利於彼者耶。吾可一言以斷之曰今日之戰非日俄之戰也。英俄之戰非英俄之戰也。而英俄兩黨之戰譬如宴饗焉。英黨勝則必主肅賓遜揖讓就座舉觴互壽相埒共食俄黨勝則必爲虎噬爲牛飲杯籍狼狽一掃而盡自兩黨相

持雌雄未決而遠東天地戰雲始橫。夫日之有英猶俄之有法也。英日之有美猶俄法之有德也。在昔法蘭西之敗於德於歐羅巴大陸竟成孤立不得已乃與俄國同盟爲三國同盟之對峙。然其所謂攻守同盟特就歐洲言之耳。迨遠東事出而俄法同盟竟如犬猿一利用之於三國干涉再用之於日俄戰爭而德意志之所謂三國同盟者遲之又久徒存皮毛亦不得不乘對外之際訂誼於俄法蓋德意志尙武力喜破壞性與俄類彼於山東省一宣教師之禍而遂藉口要挾竊我之膠州灣爲東亞殖民之基礎更進而蠶食漁奪擴張勢力山東全省已屬範圍或謂俄德兩國訂有密約戰時外交之機密雖不得而知之然其言之來非無故也。

(未完)





歷 史

# 老子之面影

觀 雲

老子之像世不傳傳者亦非真雖然老子之面影固躍躍在吾之心目中

老子者尙柔貴愚意其爲人必刼圭角去崖岸渾渾然儕俗同衆若無意氣者然此人所想像之老子也願以余所見之老子則不然

老子者實視己甚高視人甚下其兀傲之狀態舉當世之賢豪若皆不足當其一盼者試徵之莊子天運篇云孔子行年五十有一而不聞道乃南之沛見老聃老聃曰子來乎吾聞子北方之賢者也子亦得道乎孔子曰未得也云云曰子來乎一若憾其來之不早者曰子亦聞道乎則知其尙不聞道之反辭也又天道篇云孔子西藏書於周室子路謀曰由聞周之徵藏史有老聃者免而歸居夫子欲藏書則試往因焉孔子曰善

老子之面影

往見老聃。而老聃不許。於是繙十二經以說。老聃中其說曰。大謾。願聞其要。孔子曰。要在仁義。老聃曰。請問何謂仁義。中又曰。不亦迂乎。又何偈偈乎。揭仁義若擊鼓而求亡子焉。意夫子亂人之性也。云云。古者以藏書為壽書。今者以出版為壽書。藏書於天府。不能無介紹。老子向為守藏史。史記老聃周守藏室之史也。索隱藏室史乃周藏書室之史也。老子為柱下史即藏室之柱下。因以為官名。時雖免官。家居然以老子之碩望於藏書。許可與否之權。當尙有之。故孔子欲往。因焉。而老子不許。蓋直為其所覆絕者。意其時老子既不允孔子之藏書。而孔子之書亦屏而不閱。故孔子繙十二經以說。而老子中其說曰。大謾。願聞其要。蓋不待孔子之畢其說。而老子已嫌其煩。而不耐聽。及孔子舉其要。而老子又斥之曰。不亦迂乎。是亂人之性也。則視孔子之書。固一無價值者。孔子之書為後世所崇拜。而為知老聃若是其蔑視之也。又史記老子傳。孔子適周。問禮於老子。老子曰。前畧去子之驕氣與多欲。態色與淫志。是皆無益於子之身。何其言之切直也。又莊子天運篇云。孔子見老聃。歸三日不談。曰。吾乃今於是乎見龍。子貢曰。賜亦可得而觀乎。遂以孔子聲見老聃。老聃方將偃堂。子貢曰。夫三王五帝之治天下不同。其係聲名一也。而先生獨以為非聖人如何哉。老聃曰。小

子少進。子何以謂不同。對曰。中老聃曰。小子少進。余語女三王五帝之治天下。云云。子貢稱老子曰。先生而老子呼之一則曰。小子。再則曰。小子。曰。余語女夫子貢之賢。固不及孔子。又爲孔子之弟子。其年齒稍後。然老子之尊嚴亦已甚矣。又莊子寓言篇云。陽子居南之沛。老聃西遊於秦。邀於郊。至於梁而遇老子。老子中道仰天而歎曰。始以汝爲可教。今不可也。陽子居不答。至舍。進盥漱巾櫛。脫履戶外。膝行而前曰。向者弟子欲請夫子。夫子行不閒。是以不敢。今閒矣。請問其故。老子曰。而睢睢盱盱。注踈鳳之貌。人將畏難而疏遠。而誰與居。大白若辱。盛德若不足。陽子居蹴然變容曰。敬聞命矣。其反也。舍者與之爭席。云云。列子黃帝篇亦載此事。詞句略同。而陽子居作楊朱。按陽子居自稱弟子。而稱老子爲夫子。是固師弟也。然老子之爲師。又何其峻嚴乎。以吾輩今日觀之。睢睢盱盱之象。寧屬諸老子。而非陽子。又莊子天道篇云。士成綺見老子。前老子漠然不應。士成綺明日復見。中士成綺雁行。猶今日官場之側行避影履行。遂進而問修身若何。老子曰。而容崖然而目衝然。而頽頽然。而口闕然。而狀義然。云云。士成綺固非老子弟子。而老子或不應。或實言切責之。至於雁行避影履行。而請教老子之尊貴。固何如也。是數人之中。惟士成

綺○今○不○可○攷○而○若○孔○子○若○子○貢○若○陽○子○居○從列子當楊朱固當世佼佼之學者而老子毫不假  
 以○辭○色○雖○曰○老○子○之○年○德○聞○望○在○數○子○之○上○固○無○所○用○其○謙○退○顧○以○余○所○見○此○決○非○以○  
 年○德○聞○望○較○尊○之○故○而○然○而○欲○徵○此○爲○老○子○之○真○性○行○流○露○於○舉○動○詞○氣○之○間○而○諸○書○  
 攝○其○痕○影○今○取○以○當○二○千○餘○年○前○一○老○子○之○照○像○可○也○

顧○於○此○有○不○可○解○者○蘇○東○坡○詩○云○人○情○貴○往○返○不○報○生○禍○根○吾○輩○入○世○之○最○苦○者○無○入○  
 世○之○氣○骨○而○於○交○際○往○來○之○間○不○識○不○知○已○隱○招○他○人○之○嫉○忌○若○行○老○子○之○態○度○舉○國○  
 之○人○不○必○約○而○皆○以○爲○可○殺○然○觀○老○子○之○待○孔○子○諸○人○非○特○諸○人○之○不○存○蒂○芥○於○其○心○  
 也○且○莫○不○致○其○尊○敬○之○誠○雖○曰○若○孔○子○諸○人○斷○不○類○世○俗○之○徒○於○應○接○之○禮○貌○稍○有○未○  
 周○即○大○抱○不○快○反○顏○而○肆○其○詆○譏○蓋○以○道○德○之○砥○礪○爲○重○則○待○遇○皆○屬○外○貌○而○非○其○所○  
 計○及○然○世○俗○之○儀○文○賢○者○可○以○度○外○置○之○而○感○情○之○愜○否○亦○爲○賢○者○之○所○不○能○免○如○哲○  
 學○大○學○斐○伊○臺○之○初○見○康○德○也○以○康○氏○待○遇○之○冷○淡○與○其○平○日○想○望○康○氏○之○熱○誠○得○一○  
 反○應○性○之○戟○刺○遂○不○免○生○失○望○之○意○夫○康○德○于○竝○世○之○斐○伊○臺○氏○亦○猶○老○子○於○竝○世○之○  
 孔○子○諸○人○等○而○人○之○對○於○康○德○尙○有○失○望○之○事○而○老○子○絕○不○聞○有○是○也○是○則○老○子○猶○龍○

眞非吾人所能測。雖然必幸而施諸賢者則可耳。

斐伊臺氏之哲學。初研求斯秘挪莎之說。後讀康德之書。大喜。於思想上全受其感。化。平日敬重康德甚至。然固未曾謀面也。及初次得見康德。方以爲握手傾心。必有彼此相見恨晚之概。其交好有不知達於若何之熱度者。然康德待之殊落寞。大與斐伊臺之初意相反。遂不免有失望之意。蓋康德爲人冷淡嚴正。專傾心于學問。既不尙世俗應酬之文。亦不解英雄牢籠之術。率行其故。我之眞而斐伊臺氏飢渴太甚。以熱性過高。遂至遭冷性而生反感。此其失望之所由來也。然斐伊臺氏不以此失敬禮。康德之心仍結親交。而以學問相質。康德亦漸敬斐伊臺氏。學問造誼之深。往復切磋。兩人卒爲莫逆之交云。

或曰。老子之待孔子諸人。知其爲賢者也。故率行其本性。若其對於世俗。其狀態必一變而應用其大智若愚。大巧若拙之情。此其所以能免世禍也。顧如此。必以老子爲兩面人。而極爛於世故也者。以余所見。則斷爲人之氣質。實具有一種之固定性。苟非其性之所固有。雖學之亦不能似彼。老子者。或亦以其性狀之不能改。而遭當世之讎惡。

者必多願老子者見解主高之人也彼知其如此而足以撻世禍故處於避世離俗之地凡名譽富貴一切不與人爭既與世俗絕緣則世俗之禍害亦自無因而至所謂尸居淵默老子蓋亦幾經閱歷乃擇此一境以自處也且老子學說貴柔尚愚此必身親遇夫剛之足以遭忌智之足以蒙謗而然者蓋人之學說不能無所藉而發生必內之本於其身之性行與外之遭夫當世之境遇而于兩者關係之間發見其種種事故之理由而後乃能發舒其一家之說換言之學說者即我與世相感受相衝突從而得一種經練之產出物也老子雖聖其見識之所由來必不能免此例故余益欲斷老子實為極智而不能下人極剛而不能容物之人而貴柔尚愚實由於其剛智之反響而來

恐老子雖言貴柔尚愚而實未嘗行故不得已出關而逃去 蓋即老子入世所得之哲學也

哥遜氏謂哲學必由於觀察事實事實者供給哲學家思辨之材料也可取其

言而參 觀之 竊欲與論老子者共參之也

(完)





祖國大航海家 **鄭和傳**

中國之新民

西紀一千五六百年之交。全歐沿岸諸民族。各以航海業相競。時則有葡之王子亨利。

Don Henry 獻身海事。既發見大西洋附近砵仙圖羣島。Port Santo 埃莎士羣島。Azores

加拿里羣島。Canary 一三九四至一四六三年 未幾哥倫布遂航大西洋。發見西印度羣島。前後四度。

遂啓亞美利加大陸。一四四〇至一五〇六年 同時葡人維哥達嘉馬。Vasco Da Gama 沿亞非利加南

岸。逾好望角。達印度。廻航以歸歐洲。一四八六至一四九七年 越十餘年。而葡人麥折倫。Magellan 橫

渡太平洋。啓菲律賓羣島。繞世界一周。一五一九至一五二二年 自是新舊兩陸。東西兩洋。交通大開。

全球比鄰。備哉燦爛。有史以來最光燄之時代也。而我泰東大帝國與彼並時而興者。

有一海上之巨人鄭和在

我國大陸國也。又其地廣漠，足以資徙殖人民，無取騁於域外。故海運業自昔不甚發達。願沿海諸省二千年前既往往有涉海自殖者。史稱會稽海外有東鯤，又有夷州及澶州。秦始皇時方士徐福將童男女數千人止焉。其地即今日日本之長崎一帶是也。辰韓舊國亦名秦韓。蓋秦時人民苦苛法者遷焉。其地則今朝鮮之慶尙道。釜山浦所在與日本相望者也。凡此陳跡皆為吾航業發達已古之證。其後兩漢六朝南海航路漸闢。我商船有達亞丁灣及米梭必達迷亞者。蓋與波斯人阿刺伯人代興云。詳見拙著世界史上海東之位

面。

唐宋以還遠略漸替。我航業不振者垂數百年。及明代而國民膨脹力別向於一方。亞洲東南一大部分即所謂印度支那及南洋羣島者實今日我中國民族唯一之尾閭也。又將來我中國民族唯一之勢力圈也。以今日論其政治上之實力白種人尸之其生計上之實力未或能與吾競也。今畧取吾民自殖於彼地者表其人數及其比較如下。

地名 人口總數 中國人 參考

屬	荷		美屬菲律賓羣島	屬	英			法屬越南	暹羅	
	蘇門答刺	瓜哇及馬德拉島			緬甸	馬來保護國	海峽殖民地			
							新加坡			檳榔嶼
其他諸島	三、一六八、三一二	二八、七四六、六三八	一〇、四九〇、〇〇〇	六七八、五九五	二二八、五五五	二四八、二〇七	九五、四八七	一七、八〇〇、〇〇〇	六、三二〇、〇〇〇	
?	?	七六〇、〇〇〇	四三〇、〇〇〇	?	一二〇、〇〇〇	?	九〇、〇〇〇	二六〇、〇〇〇	一、三〇〇、〇〇〇	
	與土人雜婚者甚多不在此數		與土人雜婚者尙多不在此數		現在每年渡航者約四五萬人進步正未有艾				純粹中國人百三十萬尙有與土氏雜婚者約八十萬	

右表所列。雖未可稱確實之統計。然大端固不甚謬。即吾民自殖於彼者當不下五百。

四五十萬人加以與土人種雜婚者當及七百萬。人其間若羣島之礦業暹羅越南緬甸之農業羣島及暹羅之森林業乃至全部之商業工業其在我國人手者十而八九。故此諸地於實際上蓋吾外府也。吾國以何因緣而能致此推原功首吾思鄭和鄭和雲南人。世所稱三保太監者也。初事明成祖於燕邸。從起兵有功。累擢太監。成祖之在位。當西紀千四百三年至千四百二十四年。正葡萄牙王子亨利獎勵航海時代。亨利生一三九四年卒一四六三年。而西史上所稱新紀元之過渡也。成祖以雄才大略承高帝之後。天下初定。國力大充。乃思揚威德於域外。此其與漢孝武唐太宗之時代正相類。成祖既北定韃靼。耀兵於烏梁海以西。西關烏斯藏。以法號羈縻其酋。南戡越南。夷爲郡縣。陸運之盛。幾追漢唐。乃更進而樹威於海國。鄭和之業。其主動者實絕世英主。明成祖其人。也。

舊史稱成祖疑惠帝亡海外。欲蹤跡之。且欲耀兵異域。示中國富強。於是有命和航海之舉。但其動機安屬。勿具論。吾徵諸史文。於鄭君首塗之前。有深當注意者二事。

一曰其目的在通歐西也。本傳云。命和及其儕王景弘等通使西洋。又云。俗傳三保

太監下西洋為明初盛事。據此則此行本志非南渡而西征也。蓋自馬可波羅入仕以來。歐人讀其書而知中國有文明。始汲汲謀東航。此印度新航路之所由發見也。華亦見其人而知泰西有文明。始汲汲思西暨。此南洋羣島之所由發見也。彼此皆未克達。最終之目的地。而今日東西通道之鍵鑰。實胎孕於是。

二曰航海利器之發達也。本傳云：造大船修四十四丈。廣十八丈者六十二。容士卒二萬七千八百餘人。吾讀此文而歎我大國民之氣魄。洵非他族所能幾也。考現在世

界最大商船。稱美國大北公司之「彌奈梭達」。今年始開航。日本議和全權小村氏乘之以赴美者也。長六百三十

英尺。廣七十三英尺。全世界色然驚之。謂大莫與京矣。英尺當我工部尺九寸八五七

七明尺。當今工部尺。尺有一寸一二。然則鄭和所乘船。其袤殆與彌奈梭達等。其幅則

倍彼有餘。以今日之美國。僅能造如彌奈梭達者。二以當時之中國。既能造如彌奈梭

達者。六十二。雖曰專制君主有萬能力。而國民氣象之偉大。亦真不可思議矣。其時蒸

氣機關。未經發明。乃能連用如此。厯碩之艤。艦凌越萬里。則駕駛術亦必有過人者。

哥倫布航海凡四次。仍頓廓航海凡五次。而鄭和航海則七次。今表其年代。

鄭和傳

傳 記

(首 途 時)

(迴 航 時)

(西 紀)

(所 歷 地)

第 一 次	永樂三年六月	永樂五年九月	一四〇五	七年	起蘇州經福建逾占城達三佛齊
第 二 次	“ 六年九月	“ 九年六月	一四〇八	一一年	至印度錫蘭島
第 三 次	“ 十年十二月	“ 十三年七月	一四一二	一五年	歷蘇門答臘滿刺加等十九國
第 四 次	“ 十四年冬	“ 十七年七月	一四一三	一九年	
第 五 次	“ 十九年春	“ 二十二年八月	一四二一	二二年	
第 六 次	“ 廿三年正月	“ 同年	一四二四	……年	
第 七 次	宣德五年六月	宣德八年七月	一四三〇	三三年	忽魯謨斯等十七國

據右表所示。則鄭和為海上生活者垂三十年。殆無歲不在驚濤駭浪之中。其間稍自息肩者。則成祖崩殂後六年間耳。迨宣宗中葉。復舉壯圖。闢地最遠。而和亦既老矣。其經略海外之事實。史文闕如。不能具詳。但紀其俘三佛齊王錫蘭王定蘇門答刺之亂。其武功之偉。可見一斑。又史言自和死後。凡將命海表者。莫不盛稱和以夸外番。此則張博望之在西域。何以加諸。其時紀行之作有二書。

(一) 瀛涯勝覽 馬歡著 永樂十四年出版 紀載十九國  
 (二) 星槎勝覽 費信著 正統元年出版 紀載四十國

馬費二氏皆回教徒。以能解亞刺伯語言。被命為通譯。故紀行文皆成於其手。馬著出版先。故國名少而紀載較詳。費著出版後。故國名多而紀載微簡。今參考兩書。釋以今地。以稽當時聲威之所被焉。

(一) 馬來半島以東諸國 凡十五

(二) 滿刺加諸國 凡四

(三) 蘇門答刺諸國 凡七

(四) 印度諸國 凡六

(五) 亞刺伯諸國 凡五

(六) 亞非利加諸國 凡三

(一) 馬來半島以東諸國

(1) 占城 (Chamba or Champā)

漢林邑地。唐時或稱占不勞。或稱占婆。今越南下交

趾部。西貢市所在之地。其時爲一獨立國。不屬交趾。

(2) 靈山 星槎所記云。與占城山地連接。其地今難確指。西人腓立氏謂今之伽南港。(Cannanah) 格蘭尼威氏謂爲今之那的里加山。(Nulincan) 未知孰是要之在下

交趾也。

(3) 真臘 (Cambodia) 今之柬埔寨。爲法蘭西保護國者也。當時其國領有暹羅之一部分。西與我雲南接壤。

(4) 崑崙 (Pulo Condore) 下交趾極南端之一島。如我國之有琼州島然。至今越南

人仍呼爲崑崙山。西人則稱蒲盧康得羅。蓋馬可波羅紀行之舊名云。馬來語之蒲

盧即 Island (島) 之義也。今法人往往竄越之國事犯於此。

(5) 賓童龍國 (Cape Palawan) 今柬埔寨海岸之一岬角也。

(6) 暹羅國 (Siam) 自明。

(7) 彭坑 (Palawan) 星槎云。在暹羅之西。即今馬來半島之南端。瀕東海岸。與新加

坡接壤者也。



(8) 東西竺 (Singapore) 明史外國傳柔佛條下云。『柔佛近彭亨。永樂中鄭和遍

歷西洋。無柔佛名。或言和曾經東西竺山。今此山正在其地。疑即東西竺。』今案柔

佛即今之新加坡。在馬來半島之極南端。當時名以東西竺者。殆猶哥倫布命北美

新地為西印度羣島歟。

(9) 龍牙門 (Strait of Lingga) 馬來半島與蘇門答刺島中間之一小島。在海峽間。

今大學堂審定地圖所稱龍加島者是也。

(10) 交欄山 (Pulau Island) 大學堂地圖所稱比利敦島者也。在瓜哇海中。位蘇門

答刺島與婆羅洲之交。元時史弼征瓜哇。曾駐兵焉。

(11) 假馬里丁 (Pulau Tandar) 大學堂地圖所稱卡里馬塔羣島是也。在婆羅洲

之西南。與蘇門答刺相對。元史史弼傳有假里丁答。其位置正如星槎所記。星槎之馬里。可代為里馬之稱。

(12) 麻逸冰 (Palo Bintang) 星槎記在交欄山之西南洋海中。其地今難確指。格蘭

尼威氏以巽他羣島中之邊丹當之。今從焉。

(18) 瓜哇 (Java) 自明。

(11) 重迦羅 (Mencio) 大... 在瓜哇海中。與蘇拉巴

雅港相對。

(15) 吉里地悶 其地今難確指。星... 在車... 產檀香。案佛理嶼一名檀香

嶼 (Saminthasoot) 或當屬此地。其地在瓜哇海與達達海之間也。

(二) 滿刺加諸國

(1) 滿刺加國 (Malacca) 今官書或稱麻六甲。為英屬地。在馬來半島南端西岸。

(2) 亞魯 (Amirama) 大學堂地圖譯為亞羅生蘇門答刺島北岸。臨滿刺加海峽。

(3) 九州山 (Pulo Sambilon) 滿刺加海峽中之九島嶼。九州之名。乃譯義而非譯音。

馬來語之 Pulo 此云島也。其 Sambilon 此云九也。

(三) 蘇門答刺諸國

(1) 舊港亦名淳淋邦 (Palembang) 明史稱三佛齊。六朝時稱干陀利。今荷屬蘇門

答刺島之東北部一大都會。大學堂地圖所譯為巴鄰旁者是也。

(2) 蘇門答刺國 (Sumatra) 今以為全島總名。但據瀛涯星槎所記。則僅為其島西

部之專名。即今之亞齊 (Achin) 一隅之地也。

(3) 南淳里 (Lambri) 其地今難確指。馬可波羅紀行有廉淳里國者。當即其地。蓋

蘇門答刺島之西北部。亞齊之西鄰也。譯南。蓋廈門音。

(4) 那孤兒一名花面王國。其地今難確指。殆亞齊之一部。

(5) 黎代。其地今難確指。殆亞齊之一部。

(6) 龍涎嶼 (Pulo Way) 距亞齊東北十三里一小島也。

(7) 翠藍嶼 (Mulleman Island) 大學堂地圖所稱安達曼羣島是也。由馬來半島航

印度。此其中站。今為印度屬地。隸英版。瀛涯記其地在大海中。山有三四。星材記在龍涎嶼西北。五晝夜程。其必為安達曼無疑。翠藍者。狀風景以命名。非譯音也。

(四) 印度諸國

(1) 榜葛刺 (Bengal) 即通行官書所譯之孟加拉。今印度首府加拉吉大所在地

也。

(2) 柯枝 (Ceylon) 大學堂地圖作可陳。此譯柯枝。其地印度半島之西

南端臨亞刺伯海。

(3) 大小葛蘭 (Geylon) 大學堂地圖作固蘭。星槎記其地與都欄樵相近。都欄樵即

(Fortinndu mro) 亦印度第二等大會也。

(4) 古卑國 (Calicut) 瀛涯記其位置云西瀕海。南距柯枝國。北距狼奴兒國。遠東

七百里許。距坎巴夷。案柯枝即可陳坎巴夷也。大學堂地圖譯誤本拜然則其地必今之

哥里卡德。孟買省瀕海一小都會也。

(5) 錫蘭 (Ceylon) 印度南端之大島。古稱師子國。今西航必經之地。

(6) 溜山洋國 (Maldivo Islands) 大學堂地圖譯為麻代父羣島。錫蘭島西偏南之多

數珊瑚島也。瀛涯言有八大溜。星槎言有三萬八千小溜。其為無數小嶼甚明。與馬

可波羅紀行麻代父條下記事正同。

(五) 阿刺伯諸國

(1) 佐香兒 (星槎) 祖法兒 (瀛涯) (Dhohar) 阿刺伯海南岸一市。

(2) 阿丹國 (Aden) 舊譯雅典。亦譯亞丁。阿刺伯最南端一半島。西航必經之要津

也。今為英屬地。屬印度孟買省行政區域。

(3) 忽魯謨斯 (Hormuz or Ormuz) 波斯灣內三大島之一。今為波斯領土。

(4) 天方 (Arabia or Mecca) 即阿刺伯。亦名麥加。

(5) 刺撒 其地今難確指。蓋在米梭必達迷亞附近。

(六) 阿非利加沿岸諸國

(1) 木骨都束 (Mogedexa or Mandoxo) 大學堂地圖所譯馬加多朔者是也。在阿非

利加東海岸。臨印度洋。

(2) 卜刺哇 (Bacca) 大學堂地圖譯巴拉瓦。在木骨都束迤南。

(3) 竹步 (Tami) 大學堂地圖譯周巴。在卜刺哇迤南。

以上所列凡四十國。皆見於瀛涯勝覽星槎勝覽者。今略推定其航路線如下。

(一) 航中國南海至印度支那半島之南端 (西貢)

(二) 航暹羅灣 (即曼谷灣) 之東岸至曼谷 (今暹京)

(三) 航暹羅灣西岸循馬來半島南下至新嘉坡

(四) 繞航蘇門答刺島一周

(五) 繞航瓜哇羣島一周

(六) 航孟加拉灣經安達曼羣島至東印度(加拉吉大)

(七) 航孟加拉灣東岸南航至錫蘭繞錫蘭島一周

(八) 航阿刺伯海東岸北航至西印度(孟買)

(九) 由孟買循波斯灣東岸北航至泰格里士河河口 今德屬小亞細亞

(十) 循波斯灣西岸南航復沿阿刺伯海西岸一周至亞丁

(十一) 越亞丁灣循紅海東岸北航至麥加

(十二) 循紅海西岸南航出亞丁灣復循亞非利加東部海岸南航經摩森比克海峽

亦作莫三  
島紅海峽 掠馬達加斯加島之南端迴航

此鄭和航路之大畧也。據上所列似詳於西而畧於東。其足跡未及馬來西亞羣島之半。而瓜哇海以東未嘗至焉。然考明史外國傳雜錄條下言鄭和惡其人。家貽一銅鈴。是臺灣島和所曾履也。又文萊條下言鄭和往使。有閩人從焉。因留居。後人因據其國。

而王之。是婆羅洲和所曾履也。西洋朝貢典錄稱呂宋於永樂八年隨中官鄭和來朝。是非律賓羣島亦和所曾履也。瀛涯星槎皆不記載者。殆馬費二氏皆以能操阿剌伯語從事通譯。其在馬來半島以西爲阿剌伯語通行地。故二氏能紀之。其以東則無取於二子之載筆。歟。準此以談。則亞細亞之海岸線和所經行者十而八九矣。嘻。盛哉。新史氏曰。班定遠既定西域。使甘英航海求大秦而安息人（波斯）遮之不得。達繆言海上之奇。辛。殊險。英。遂氣沮。於是東西文明相接觸之一機會坐失。讀史者有無窮之憾焉。謂大陸人民不習海事。性或然也。及觀鄭君則全世界歷史上所號稱航海偉人。能與並肩者。何其寡也。鄭君之初航海。當哥倫布發見亞美利加以前六十餘年。當維哥達嘉馬發見印度新航路以前七十餘年。顧何以哥氏維氏之績能使全世界劃然開一新紀元。而鄭君之烈。隨鄭君之沒以俱逝。我國民雖稍食其賜。亦幾希焉。則哥倫布以後有無量數之哥倫布。維哥達嘉馬以後有無量數之維哥達嘉馬。而我則鄭和以後竟無第二之鄭和。噫。嘻。是豈鄭君之罪也。

新史氏又曰。天下事失敗者不必論其成功者。亦必與其所希望之性質相緣。或過或

不。及。而。繼。不。離。本。希。望。之。性。質。近。是。此。佛。說。所。謂。造。業。也。哥。氏。之。航。海。爲。覓。印。度。也。印。度。不。得。達。而。開。新。大。陸。是。過。其。希。望。者。也。維。氏。之。航。海。爲。覓。支。那。也。支。那。不。得。達。而。僅。通。印。度。是。不。及。其。希。望。者。也。要。之。其。希。望。之。性。質。咸。以。母。國。人。滿。欲。求。新。地。以。自。殖。故。其。所。希。望。之。定。點。雖。不。達。而。其。最。初。最。大。之。目。的。固。已。達。若。我。國。之。馳。域。外。觀。者。其。希。望。之。性。質。安。在。則。雄。主。之。野。心。欲。博。懷。柔。遠。人。萬。國。來。同。等。虛。譽。聊。以。自。娛。耳。故。其。所。成。就。者。亦。適。應。於。此。希。望。而。止。何。也。其。性。質。則。然。也。故。鄭。和。之。所。成。就。在。明。成。祖。既。已。躊。躇。滿。志。者。然。則。後。此。雖。有。無。量。數。之。鄭。和。亦。若。是。則。已。耳。嗚。呼。此。我。族。之。所。以。久。爲。人。下。也。吾。昔。爲。張。博。望。班。定。遠。傳。既。言。之。有。餘。慨。矣。

也。新史氏又曰論人不可有階級之見存刑餘界中前有司馬遷後有鄭和皆國史之光也。





生計

# 論托辣斯之利害

咀 雪

是篇專以法理立論與梁子所作固有出入且亦較詳故復述之

托辣斯者起于自由放任主義之極弊發現自然獨占的及大企業的企業組織者也。故欲明托辣斯之利害必先由經濟上政治上根本上主義之一般的傾向而評論伴于獨占 Monopoli 及大企業 Grossbetrieb 之利害然後可以知之。

## 第一章 根本主義(放任主義及干涉主義)上利害論之概綱

托辣斯者生于人類社會原有利害之二面然批評者因其所奉主義各異遂生其境遇不同之結果其利害之判斷亦因之不能出于一途故今先略說根本主義之變遷以明關於托辣斯之各種評論之基因次叙各種評論之綱領。

論托辣斯之利害

第一節 根本主義之變遷

一時自然法之觀念在法。律。壓。制。之。時。代。則。保。護。干。涉。之。重。商。主。義。或。商。業。政。略。說。曰

*mercantile system.*

時。代。之。後。則。自。由。放。任。主。義。即 *Principle of Laissez faire.* 風靡于經濟界

矣。

自。由。放。任。主。義。為。人。類。之。經。濟。的。活。動。之。動。機。潛。于。人。之。利。己。心。內。為。前。提。各。個。人。者。自。由。而。平。等。者。也。又。以。自。然。法。之。觀。念。為。基。礎。而。演。繹。之。 *Le monde va la tri mème. (The*

*world goes the same)*

為。斷。定。者。也。此。上。義。一。時。充。滿。歐。美。之。天。地。各。國。之。政。治。法。律。經。濟。皆

採。其。基。礎。觀。念。故。自。然。法。之。學。者。以。自。然。法。為。萬。世。不。易。萬。國。普。通。之。大。法。不。辨。其。時。與。其。地。也。輕。視。民。族。歷。史。國。家。自。由。放。任。主。義。之。經。濟。學。者。得。彼。等。演。繹。之。經。濟。法。則。通。古。今。互。東。西。而。行。之。亦。輕。視。歷。史。民。族。國。家。只。知。世。界。經。濟。而。不。知。國。民。經。濟。故。曰。一。經。濟。上。無。國。境。也。只。知。遠。世。界。而。不。悟。近。國。家。鼓。吹 *Cosmopolitan idea.* 說。明。經。濟。為

宇。宙。之。大。法。為。人。事。之。實。際。以。為。當。時。之。經。濟。政。策。皆。最。良。之。經。濟。政。策。

雖。然。社。會。進。步。一。日。不。息。運。輸。交。通。之。便。益。發。達。則。國。民。經。濟。 (*Nationalekonomie.*) 之

完。全。亦。可。期。至。矣。故。以。一。國。民。經。濟。當。他。國。民。經。濟。之。必。要。起。意。大。利。之。統。一。德。意。志。之。聯。合。以。上。之。政。治。上。之。帝。國。主。義。一。轉。而。為。經。濟。上。之。帝。國。主。義。制。限。幾。分。自。由。放。任。之。主。義。再。必。要。保。護。干。涉。則。為。新。重。商。主。義。之。時。代。經。濟。學。說。上。對。于。英。之。正。統。學。派。而。德。國。之。歷。史。派。經。濟。學。起。在。法。律。學。上。基。于。稽。波。之。國。民。的。思。想。作。法。律。統。一。論。之。導。火。而。為。查。比。尼。主。唱。之。歷。史。法。學。勃。興。時。代。一。法。學。博。士。穗。積。陳。重。先。生。著。法。典。論。第。一。編。第。二。章。第。八。頁。以。下。一。政。治。經。濟。海。之。大。潮。流。漸。已。一。轉。矣。故。伴。于。中。世。社。會。之。團。體。組。織。各。種。之。組。合。及。其。獨。占。的。特。權。等。一。時。為。自。由。放。任。主。義。所。掃。政。治。上。之。四。民。平。等。主。義。為。各。國。憲。法。所。認。者。也。經。濟。上。之。自。由。自。亞。丹。氏。于。各。種。之。自。由。以。來。亦。多。為。諸。國。所。認。如。英。國。買。占。獨。占。為。法。律。所。不。許。敢。害。公。益。作。不。法。之。行。為。判。例。實。為。確。當。然。一。方。于。事。實。上。經。濟。活。動。不。僅。為。自。由。競。爭。所。規。律。而。他。方。經。濟。上。之。競。爭。仍。為。放。任。競。爭。者。兩。面。俱。害。以。致。陷。于。自。殺。的。競。爭。之。時。代。經。濟。學。說。上。終。局。戰。成。思。中。途。妥。協。之。途。遂。重。講。合。縱。連。衡。之。策。而。國。民。企。業。心。之。旺。盛。好。

規模之大之新興北美合衆國于千八百六十年代之自由競爭之結果由過剩生產而起蓋因恐慌而有所深願者也各種之企業家各于其產業之部門或先作

或先作 *Trusts* 或先作 *Cartels* 遂組織「托辣斯」各講自衛之策托辣斯之所以起

于自由放任主義之極弊而發現于自然者蓋不外以上所略陳之沿革的事實也

社會之實際既如此根本主義之傾向復如彼然猶主張自由放任主義之萬能而非議托辣斯則學理與實際更相河漢矣抑學理云者實不過空理實際家嘗曰

*Handel Konkurrenz für gewöhnlich verwerflich, wenn nicht unüberwindlich, so im Falle der Konkurrenz mit ausländischen Waren. H. W. H. Kombinationen sind möglich. Competition is never possible*

蓋至言也

既如上之變遷故學者因各所奉之主義對於托辣斯之態度遂異

第二節 各種利害之綱領

(甲) 經濟學者之利害論

經濟學者之對於托辣斯之態度大別有三。

(一) 深惡奉自由放任之主義者。獨占而輕視個人。害公益以大資本而掠奪人民為公敵。故大聲疾呼托辣斯之害。

(二) 研究實際重視事實。有歷史的思想。少壯經濟學者。應時勢之進步。而目托辣斯于社會之有機的發達上。不免有階梯。故其見害亦稍自寬緩。

(三) 極端之社會主義。極力攻擊托辣斯。然于嘉耳馬苦士之論證相近。自其觀察點。寧現今之社會制度上。是認

(乙) 政治家之利害論

政治家之對於托辣斯之態度。依其根本之主義綱領。大別為二。

(一) 民主黨 *Democrat* 者。標榜自由主義。自由貿易主義。非中央集權者也。惡托辣斯。直接侵害個人之自由平等。不羈獨立之國民的思想。其于立法司法行政之上。痛擊不正之影響。而為金力政治 *Money Power*。

(二) 共和黨 *Republican* 者。採帝國主義。保護貿易主義之結果。個人能力不足。處以中央之權力。保護干涉之探助。長哺育之主義。托辣斯所有弊害。亦認之于近世之經濟。

界作爲自然之發達物觀

(丙) 法律家之利害論

亦如前者大別爲二

- (一) 法律家之內以自由主義個人主義爲基礎法律慣習爲金科玉律法與社會有日與月離遠之傾向固着于古之思想宣告托辣斯爲 *un-American* 者有之
- (二) 古英法之主義加幾分之制限爲不應于時勢者有之(以上 *Trusts* chp. VII

*Public opinion and the Combination, P. 13-126* 參照)

以上之類別由根本主義之差異而區別之勿論各自間劃然有區別與否然實爲政治問題美國于此問題以之代從來之銀問題實際就大統領選舉運動等而言二大黨派均各揭非托辣斯主義之政綱以阿世俗故由表面之事實觀不能得事之真相要之于大體之是認者非認利之點重而害之點輕而顧利誇大害也然既有以上之評論復進其孰採孰棄容易適從若躊躇于利害之判斷深足咎也

第二章 伴于獨占的大企業托辣斯之利害

知多少現時之經濟事情聞托辣斯而即先浮于腦裏者獨占大企業之二觀念也故  
 Walker 托辣斯之定義曰 Trust is a gigantic monopolistic corporation. 故茲就一般的傾向  
 序說先明托辣斯之獨占的企業所生之利害次說大企業所起利害。

### 第一節 獨占的企業所生之利害

經濟上獨占云者產于產業其生產販賣購賣等排斥他人而獨專之然托辣斯必絕對的獨占可以司配大勢。

### 獨占之分類

- (一) 分公私 *Public monopolies. Private monopolies*
- (二) 分自然人爲 *Natural monopolies. Social monopolies.*
- (三) 分絕對、完全、不完全 *Absolute monopolies. Incomplete monopolies.*
- (四) 分不得增加供給、得增加供給 *Monopolies which admit of no increase in the supply of the monopolized articles. Monopolies which admit of an increase supply of the monopolized articles.*
- (五) 分地方的國家的國際的 *Local monopolies. National monopolies. International monopolies.*

(六) 分販賣購買 (Sellers' monopolies, buyer's monopolies.)

(七) 分原料獨占勤勞獨占 (monopolies of material goods, monopolies of services. (Mills, Monop.

and Trusts, chp. 11, p. -39-195)

右所採各標準之分類元互相交叉者也而托辣斯除右之(一)公獨占(四)貨物不得增加供給獨占外其孰得成立耶由來獨占者于自由主義個人主義之下殊以蛇蝎視之今人由獨占所生托辣斯之弊害論中所述者其根底猶有此思想宜注意之

(中) 獨占所生之弊害

(一) 獨占者限縮他人經濟的活動之範圍反于產業自由之主義絕滅競爭以涸竭文明進步之源

(二) 關於原料品之購入者為購買獨占者以自已之欲為值段而買入

然徵于實際之統計則不然若然則一時留之且獨占者因圖企業之擴張與消費之增加而原料之需用增加原料生產者以總收益之增加補償價格之低下

(三) 販賣獨占者以自已之欲而要求價



凡因感情上而惡獨占之人。蓋獨占物價者爲獨占者之欲。是從也。今察需用與物價之關係。金銀貨幣者其需用與價格正比。而增減生活之必要品。價高則其需用急減。少。然奢侈品反之。其價騰貴則其需用著減少。故農產物不能容獨占的大企業獨占者。苟以收益爲目的。則不法高物價。其結果需用遂減。然純益減少不敢也。故獨占物價因需用之減少。總在于不純益減少之範圍內。獨占者僅得而高之。其想像不廣。企業家者顧慮將來之需用。恐社會之輿論必不命隨意之高價。故獨占之害在于其命隨意之高價之點。或者對於提供隨意之廉價。即依不公平之均分或鐵道左右于他企業家之運命如 *Doan, Kimpton* 兩氏生產費之節約。自其他之點。獨占物價反于自由競爭之下。而低廉。雖然于大體自由競爭之下。一般稍高人多所認也。然事實上由成功之托辣斯。其物價漸次低廉矣。

(四) 高物價之結果。制限消費。減少消費者。滅殺人類之幸福。

(五) 減少消費。減少之結果。生產。

(六) 減少生產。減少之結果。勞動之需用。其結果。勞動者失職。求食于途。

社會之少數爲雇主而多數之資本的勞動者處一時變亂之際其社會之堪抗力少况失職而迷于路頭乎經濟社會之變動人之所大嫌而在共和主義之國殊見其然也經濟社會善則多數之獨立自營之人基礎安地盤廣此必不僅爲社會政策學者之理想而已

(七) 唯一之雇主因自己之欲低落勞動者之賃銀

此弊可以勞動組合之制與勞動者之自治協同之精神發達而減少之

(八) 獨占者僅顧私利不顧公益之結果不計生產技術生產物之改良發達

然于托辣斯雇特別專門之技師計機械及生產技術之改良進步常見之自由競爭之下粗製濫造之夥亦屢屢耳

(九) 計生產之增加否則毀滅既成貨物計物價之騰貴

如 Standard Oil Trust 嘗精製石油棄于太平洋此人之所知也

(乙) 獨占所生之利益

(一) 避無謀之競爭節約社會之資本勞力

Jencks 僅就廣告料而計之美國有數之煙草會社四五費六十萬磅合同得節約其三分之二。

(二) 第一流之熟練家之手其事業經營監督之人從經濟主義可伸其驥足若僅就國民經濟上觀之因多數劣等之企業家各種之企業之管理甚不利如

Is "Distinct evil" 云云。

(三) 從以上之結果爲消費者而廉物價

(四) 且于自由競爭之下少有物價之變動

于自由競爭之下優勝劣敗甚易物價之變動屢相出入于獨占之下其間大隔而不易來雖然若其來也則甚激烈有急轉直下之勢

(五) 計需用而增減伸縮生產額由自由競爭之所極現出之過剩生產無惹起一般經濟界之恐慌事

## 第二節 大企業所生之利害

大企業者對于小企業之語也由其企業所投資本之多少而區別兩者之適當然其

其國與其時代之比較的語元有一定明瞭限界存而托辣斯者關於要多高價之機械多數之勞働之產業而起特大資本之下裝置精巧之機械由使役多數之勞働者所生利害而陳述之

(甲) 大企業家所生之弊害

(一) 以大資本之力萎微國權之作用立法司法行政之上有不正之影響是為金力政治之世

或不利自己妨立法而作有利之法律或動判決或企又脫稅或怠又相當之設備不勝枚舉故跨于數國之大托辣斯起幾多之國家全受其命令不動以致實業界之羅馬法皇現出彼之嘉耳馬耳克士見資本集注之速斷產業之各部門皆為一完全之獨占的大企業寧于今早優于國家之獨占若云各種之產業悉然或誤耶則或種之產業正此傾向之顯著也然依此則前述之弊害因個人之大富豪而起 *Jones* 以之進而攻擊托辣斯寧退而計社會道德之發達慎議員之選舉圖司法官及行政官之改善可也

(一) 大企業者勢欲併吞小企業或疲弊于一方多數之企業家勞動者失從來之職業或採其從來下利益條件下之職而他方則固定巨額之資本而全不用或至強爲不利之使用此等事業之不活潑其害實大

(二) 各種有利之產業歸于少數者之手彼爲其子弟親戚私于各種之地位所謂作 *patrim* 是也他人活動之餘地遂狹勞動者之地位全無矣

安格魯撒克遜人種今日之優秀由其自主獨立之精神而來然大企業之托辣斯縮減此精神之活動範圍

(四) 大企業多依分類之方法分業之弊害勞動無變化之結果害于勞動者之精神身體勞動者之從事偏于一方全依賴雇主社會之變動更爲他職有不利利益者

(五) 大企業者對於企業家之勞動者有絕大之權力惹起勞動時間之延長賃銀之低減職業之不安種種之社會問題

此實社會政策學者苦心之所存也或以工場法或以職工組合或以各種之勞動保險之制度等方法全除前述之弊害或減少之

(六) 大企業乘有收益增加之法則 *Law of Increasing Return* 之適用無空株之發行 *Stock watering* 欺不知實情之資本家波及害金融界之一般信用無理之配當其生產物之價格遂高因其會社株式之投機買賣伴于投機各種之弊害傳播于社會

(乙) 大企業所生之利益

- (一) 大企業散在各地合小額之資本而利用之此利益實現于各種組合及會社之經濟社會之一大原因托辣斯更活用此利益
- (二) 大企業統一生產分布財產活用不得從事企業之人其結果利益分配
- (三) 大企業其基礎確立之時而勞働及職業因之安固
- (四) 大企業多始以分業方法而漸達于完全

一、業務之熟達

二、見習徒弟時間之短縮

三、時間之節約

四、改良發明之機會

五、資本之節約

六、職業之增加

等分業均伴有利益

（五）大企業進而敢行有利之事業應用最新之機械減少人類之勞働增加社會之富庶

（六）起副業而利用廢物

如 Stand Oil Trust 者實有三百種以上之副產物他之產業供給原料

（七）收益增加之法則行即大企業之繁榮者也如土地建物機械器具等固定資本原料其他流動資本上理事監事由高等勞働者下至普通勞働者之勞力及資金之融通至小企業遙相比較占有有利之地位

（八）大企業以上之結果其生產物之價格低廉利益一般消費者

(九)大企業在野之人物振手腕登舞臺自最高等之勞動者以下順次有相當之報酬且殆與立于獨立之企業家之地位同各自發揮個人的才能充分有獨斷專行之地位。

此實英美等大企業之盛處以大學之俊才而投身于實業如德法政府之權力盛處大學卒業生悉于文官試驗之門前進而從講義之魁飲與著書之 *University* 為大學之學風所以 *Danohins* 有 *A No-to-Social Theory of the University* 之說也。

### 第三章 結論

產業之歷史產業合同之記錄也 *Industrial History and the Record of Industrial Contract*

個人 *Individual* 之企業組合 *Partnership* 之企業也組合之企業會社 *Corporation* 之企業也而今一轉會社之企業為托辣斯 *Trust* 之企業實經濟界大潮之傾向也見占測今由往可以推來矣而萬事好大故美國今有「大之時代」 *The Age of Greatness*

足為絕對之自由平等絕對之個人主義或國民的理想實大目的大野心 *Greatness and great ambition*

大動力大機械 *Great forces and great machinery*

大機會大成功 *Great opportunity and great success*



opportunities and great achievement. 大人數大組織 great moral and great organization 之時

代也。故論托辣斯之利害。了解前述之主義上之變遷。外猶必知美國現今之大勢。世之談政治經濟者。必用大勢而觀察之。歐洲之政治家中。既唱 *Financial Committee*

欲以全歐洲之經濟合同。當美國之競爭。而美國 President Andrew 嘗云。 "The day of

old time competition has set. Law or not Law Capital will henceforth march mostly in phalanxes."

大勢之所向可知矣。昔時彼 *Macedonian phalanx* 之進動。有名 *Demosthenes* 之 *philic*

*speech* 亦不得妨之。不知妨止今日之 *Capital phalanx* 者果何耶。

由社會之大勢而觀之。徵其實際托辣斯者。實發達物而非創製物也。非企業家之創造實產業歷史之成果。而現時經濟狀態之所產出者也。然以立法之專斷抑壓之。則必知法為社會力之一種。進而反抗社會進化之大勢。在美國其始會社法與實際甚離遠。各種之大企業。以托辣斯之名勃興于各地。其後就中如 *New Jersey* 州會社法之改正。行最寬大各種之托辣斯。皆隱于會社之名下。 *New Jersey* 州遂至呼 "The home of

the called "Trust formation" Cook 見之。遂云。 a great moral victory of public opinion. 余謂此

實由法律之改正適合于社會之實際托辣斯于法律上得其所也已。對於異常之物新規之事人必恐之攻擊之此世俗之常也然智者恐則利用賢者知害則謀處置托辣斯之害亦多已而托辣斯之固有部分則罕其大多數實基于社會道德所謂實業道德政治道德一般之教育之普及及勞動者消費者之自主的之團體及各種之社會政策主義由于法制之完備始可以得也若是則百利興而一害去矣苟必以消極的重視托辣斯之害較利更大則社會進步之大勢反為撲滅固識者之所不為即余亦竊為不取焉。



## 警察學演說

警察學生湘潭朱德裳述



此篇乃湖南警察學生聽之於講堂者也。近年以來。中國士夫好言辦警察。然視之太高者。謂爲西人所獨能。視之太卑者。薄爲巡查所爲事。二者均失。非警察之眞象。茲特揭此篇以明告邦人。

再湖南警察講義。經已出版。其中有警察講話。即此演說。惟此篇之筆述者。與講義筆述者異。既出兩人之手。文采判然不同。故無重複之嫌。

### 第一次 警察之概略

官房主事警視川上親晴

今者初與諸君相見於講堂。實余所欣榮。第所言者。不能盡如諸君意。願諸君其諒之。中國與日本。爲最有關係之兩國。今諸君翩然東來。求學此邦。則其所能知者。亦孰不欲爲諸君言之。日本當明治以前。爲封建時代。如長崎。如鎌倉。以及薩摩等地。各奉幕府。各行政治。四分五裂。不相統一。其時無警察之名。而其行政與警察類似者。亦有之。

矣。但區域既分。無整齊畫一之道耳。維新而後。幕府既傾覆。政出自朝廷。而權集于中央。至明治七年。始有警視廳之設。自有此廳。而警察署警察分署。由東京推及各府縣。以次遍于全國。其編制亦歸于一矣。夫政治與社會移易。而警察之行政。尤必視社會爲進退。故社會進步。無已。警察改良。亦無已。此不獨日本也。歐美亦然。日本警察之編制。雖原本于泰西法德。而其法制。則參酌日本之風俗習慣。故其法令。半爲歐化主義。半爲國粹主義。然以之實施于人民。亦多有視爲不便利者。則始事之難。固如是也。自此以後。逐漸改革。至於今日。粲然大備。人民既皆稱便利。而社會之進步。亦賴有警察。益增其速力。立于今日。以視當時。其間航海調查。參酌國度。經之緯之。蓋不知其幾經變遷。而後乃克臻此。然自此以往。倘率由而不改。則不獨無進步。且將退化。蓋警察者。乃精神的非形式的形式。雖成立。而精神腐敗。舍改革莫由。第改革之事。非僅在學問也。實際尤重。夫警察煩矣。自其性質言。則有高等、普通、國家、地方之分。自其職務言。則有行政、司法之別。然屈五指而振重裘。總之不離乎消極行政。豫防人民、防、害、者、近、是、倘專專于學問。則所謂豫防者。幾何不爲紙上之空談耶。雖然。吾烏敢薄學問。彼警察。

之。行。動。皆。法。律。之。行。動。也。昧。於。法。律。則。動。輒。得。咎。矣。且。衛。生。者。警。察。之。一。重。要。部。分。也。苟。非。精。物。理。通。醫。學。又。安。知。其。所。從。事。耶。吾。烏。敢。薄。學。問。蓋。必。能。研。究。學。問。而。又。練。習。于。實。地。則。綱。目。張。舉。飭。然。其。不。可。亂。矣。斯。則。警。察。之。要。素。也。

### 第二次 警察之進步

#### 第二部長松井茂

夫。警。察。者。以。何。者。爲。第。一。要。義。乎。則。性。質。是。已。無。論。居。於。何。地。對。于。何。人。謗。議。所。不。避。頌。禱。所。不。祈。一。以。一。定。之。方。法。行。之。不。能。稍。有。出。入。此。其。以。精。果。之。心。力。運。堅。忍。之。手。段。者。則。警。察。之。性。質。之。最。高。尙。者。也。夫。日。本。明。治。以。前。未。有。警。察。也。而。警。察。之。事。則。有。之。矣。中。國。以。前。未。有。警。察。也。而。警。察。之。事。則。有。之。矣。且。警。察。者。因。其。風。俗。習。慣。而。制。爲。行。爲。規。則。也。英。吉。利。之。警。察。不。能。行。於。法。蘭。西。德。意。志。之。警。察。不。能。行。于。意。大。利。苟。以。日。本。之。警。察。章。櫛。句。比。而。推。行。于。中。國。則。所。謂。削。趾。就。履。者。也。亦。事。之。所。必。不。行。者。也。然。則。諸。君。亦。何。必。爲。此。煩。難。不。辭。萬。里。來。學。于。日。本。乎。是。不。然。蓋。天。下。之。事。有。事。實。焉。有。理。想。焉。事。實。有。異。同。理。想。無。差。別。二。者。相。因。不。可。缺。一。者。也。故。無。論。何。國。何。時。何。人。其。事。實。不。能。出。理。想。範。圍。之。外。不。獨。政。治。即。如。師。範。如。軍。事。如。實。業。皆。據。于。理。想。而。應。

用于事實者也。學者求之於支節。而不通其理想之範圍。且無當于事。安論進步。夫人之初生也。不能知其孰爲父孰爲母也。自醫家發明以後。而後能確認男者爲父。女者爲母。警察亦然。方其未行也。不能知警察之爲何物也。及政治家發明以後。而後能確認何者爲警察。何者爲警察之所有事。故警察無定程。亦在人之進步何如耳。且自古昔至於今日。進步之陳迹多矣。滅族之刑也。用人之祭也。古人有爲之者。而今無矣。何以故。進步耳。投石以紀年也。結繩以記事也。古人有爲之者。而今無矣。何以故。進步耳。夫警察者。亦猶是已。吾試以婚姻譬之。夫婚姻有五期焉。當太古之時。無所謂婚姻也。其爲夫妻也。由劫掠來也。是爲第一期。于是時也。無婚姻之法律也。及于第二期。婚姻之法律。尙未成立。其爲夫妻也。由無意識之結合來也。若此者比于第一期。已進步矣。及于第三期。則有一可駭可怪者。其爲夫妻也。由金錢來也。夫之于妻也。棄之可也。贈與之可也。抵押之可也。若爲一種動產也者。以此比于今日法律之時代。其相去何如。現在時代。由父母之命者也。彼夫與妻也。其學問。其智識。或相等。或不相等。不能校也。惟父母之命是從而已。夫學問智識之不相等。則夫婦之道苦矣。是爲第四期。至

第五期。則爲自由結婚者。以夫婦而兼朋友事之至當者也。文明國之所公認也。然以行之文明程度不高之國民。則其弊也必至於破壞公安。寡廉鮮恥。入于禽獸而不自知矣。由此以談。則所謂循進步之程度爲一定之秩序者。其關係顧不重哉。諸君來此間。學警察。其見于日本今日之警察已如此。然自明治七年以來。此三十年中。其層累曲折。不知幾進步矣。中國之警察。余不知何如。然欲幾及日本。遲至三十年。速亦二十年耳。蓋民間之習俗。國家之程度。法律之範圍。其進步之定率。固如是也。若不問程度之如何。而驟施以文明高尚之法。令非徒無益。且又害之。此最要之一言。諸君其聽之。諸君其聽之。

第三次 警察官之強制權 第一部長丸山重俊

豫防人民之危害而制限其自由者。警察之目的哉。夫人民之自由權。憲法已許之矣。一旦于其身體生命財產發見其危害。則不能不制限其自由。此亦理勢之所趨。無可如何者也。今有人焉。踉蹌而奔。將蹈海而死。則爲警察者。其聽之耶。抑趨而救之耶。救之則侵其自由。聽之則坐視其死。夫安有坐視人死而不救者哉。故警察之定義云者。

因豫防危害而制限人民之自由者也。自由無制限則法律外之自由耳。烏足貴哉。此謂強制權。此謂警察獨有之強制權。

第四五次 衛生警察 第三部長栗本

凡含生負氣之倫。孰不思自衛其生而謀其健康哉。禽獸且然。而况人乎。艸者馬之食素也。然有毒則避之。鳥食毒物則能採藥草而啄之。其病也則浴于溫泉以愈之。此本能也。不待教而知之者也。人者物之最靈者也。其自謀生活與其自謀健康之能力。不俟外求者也。擴充其本能已耳。其效力之所在。小者足以使家庭圓滿。大者可使國富兵強。蓋國民身體之發達與國度之發達其關係至密切也。苟不能自衛其生。則由小學而中學而大學。中經數學校。十數學年。及于卒業。則其人已病矣。其甚者死矣。又如軍人。其學問至複雜。其筋力至勞苦。倘聚數千萬殘弱之人。而欲其如火如荼。克敵致果。爲國光榮。豈可得哉。由是言之。則衛生之關係大矣。衛生之學。至十九世紀。比于往昔。實爲進步。其學問亦成獨立科學矣。然其定義。則學者之說紛然。或曰衛生者延年術也。或曰衛生者預防之醫學也。之二說者皆是也。然謂其足以爲衛生之定義。則



猶未也。蓋衛生可分爲兩種。

一公衆衛生

一個人衛生

衛生之範圍大抵不出此二者之外。而公衆之衛生比于個人之衛生尤爲切要。以此之故而衛生遂爲警察之一大部分矣。今更分析言之。

一營養 營養之大宗爲牛肉。故警察之對於屠牛者。命其呈出醫生證書以檢查之。若病者則絕對禁止。其次爲牛乳。牛乳者兼有含水炭素脂肪蛋白質。乳糖礦物質者也。其於人身滋養最爲適宜。然牛乳或陳腐或有雜質。則足以害身體。故警察之對於牛乳店。比于屠牛店。其檢查尤爲細密。其次爲酒。酒家之爲保護酒計也。常用夫那魯馬里、查里取魯、昇禾三者以攙入之。酒誠得保護矣。而飲之者或中風至死。危哉酒乎。其害我國民至于如此。故警察之對於酒肆。比于牛乳尤細密焉。必以化學試驗之。而後許其賣買。其次爲阿片。聞阿片之毒流于支那。深根固蒂。牢不可破。窮年累月。自暮達朝。上至官吏。有將軍提督而嗜此者矣。自餘可推。下逮草野。有縉紳秀士而嗜此

者矣。自餘可推。以阿片之故。而支那之人。強半瘦如猴。枯槁如蠟。蠅本爲黃種。乃如黑奴。且其筋力。則不如黑奴。遠甚。何以故。非洲之黑奴。天然界之黑奴也。支那之黑奴。人爲界之黑奴也。其次爲瑪球。瑪球之害。等于阿片。苟舍阿片。而嗜瑪球。所謂逐虎進狼者也。凡此皆營養之害。警察官之最宜注意者。若者檢查之。若者制限之。若者禁絕之。三者並行。則足以謀人民之公益。除社會之危害。可謂能盡警察之責任矣。

夫營養之至善者。莫如空氣。空氣之於人。關係重矣。一日不得空氣。則可以至死。一時不得空氣。則足以致病。故以空氣療病。以空氣衛生。皆法之至善者也。天之將雨也。雲氣積鬱。而人不歡。夜不滅燈。山嵐素入腦。而神經昏眩。當此之時。遇新鮮之空氣。流通而交換之。則神志清明矣。故人者生活于空氣。而不可須臾離者也。雖天氣之自然。不能無寒暑燥濕之不同。而所貴乎人類者。貴乎能避寒暑燥濕之害。以自衛其身體也。以衣服言之。衣服者。非所以釋回增美也。所以衛生也。支那之禮服。煩瑣累贅。宜改用西制。不待言矣。然私服。則胸前不暴露。腋下無縫隙。腰束不緊。其于保存溫度。最爲適宜。日本之衣服。與支那適成一反比例。此當亟宜改革者也。又日本女人。以帶橫束。

于胸前。其礙于肺臟呼吸之伸縮。受害至大。何以故。肺臟之呼吸。其入爲酸素。其出爲炭素。酸素人腹中而牛燃燒之。力燃燒所餘即成炭素。此謂瓦斯交換。日本女人以纏胸之故。致氣體不能自由交換。華族女人。最注意於纏胸。而其病每多於勞働社會者。職此之由。蓋日本之纏胸。西洋之纏腰。支那之纏足。皆爲女子裝飾之品。既成裝飾品。則爲一國之風俗習慣。盤踞於人間社會。牢固而不可拔矣。警察之有衛生責任者。其謂之何。三者并立。如是地球女人無完膚矣。而支那女人其害尤大。何以故。人身之血液。五官百骸。自頂至踵。其流通皆有平均之比例。支那女人以纏足之故。遂使血液不能流通於足部。故雖謂之半截死人可也。以半截死人而生育子女。其不柔且弱者幾希矣。此其害在人種而遂中于國家諸君乎。諸君乎。其忍不思所以改革之乎。

一土地 山居之人多病燥。水居之人多病濕。此其大較也。瘴者傳染病也。此土地之關係也。如支那然。南人之病瘴者雖重不死。北人則多有死于此者矣。脚氣者亦土地之關係也。微獨日本有之。支那亦有之。特支那人不知耳。醫脚氣之法。莫如旅行。在東京而病脚氣也。至西京則重者輕。輕者愈矣。在長崎而病脚氣也。達上海則重者輕。

輕者愈矣。病之關繫于土地者。此非尤大彰明較著者耶。何以故。有甲乙兩井于此。其離距一上一下也。病者遺毒于上井。則其流質必入于下井矣。而飲者病焉。又如溪流。其旁納之水有微毒。則飲者亦病。且不潔之地多蚊。蚊之食最爲不潔物。而又喜嗜人。以其毒和入血中。則傳染於人身矣。因此之故。而病之關於土地者。遂畫若鴻溝。幾如各地方之風俗習慣。各不相侔矣。

一市街 市街之警察。警察之最要者也。人之生也。飲之食之。呼之吸之。有其入焉者。必有其出焉者。出之云者。因排泄而出之謂也。故排泄之物而入人口焉。則爲疾病之一大媒介。故警察上有除穢方法。清潔方法一曰渠水。一曰便所。

渠水者。納污藏垢之地也。當街而溺。非獨有礙衛生。而且大傷風致。如朝鮮。如支那。全國皆然。毫不爲怪。朝鮮本不知清潔爲何物。支那則知而不爲。朝鮮者。吾無責焉矣。若支那。吾不知其是何心也。西人有言。當街而溺者。東洋之出產也。雖然。立於今日。以視吾國。吾知其免矣。故便所者。市街中最不可少之物也。雖然。施清潔方法于便所。其事爲至難。如一地然。有一井。又有一便所。其便所之下流。多浸入于井。于便所之中。以顯

微鏡視之。其微生物不知其幾千萬也。微生物之入人身。最易發達。發達之後。即爲傳染病之媒介。而害在人的生命。便所雖微。其害可勝言耶。由是言之。渠水便所。顧不重哉。夫欲渠水便所。皆至于清潔。則必人人有清潔之觀念。常有一不清潔之危懼。懸於心目間。而後能達此目的。以此關於清潔方法。必一一屬於國家。則經費不貲。不足以給。且市街之地。欲施清潔方法。必先講求建築衛生。然非國民程度發達。經濟發達。則建築衛生之目的。豈易達哉。故瞻國之貧富強弱於其清潔與否。瞻之可矣。比于一家。其人口寡弱。其父母癯老。其家貲落薄。而欲求其衣履之整齊。門庭之修潔。不可得矣。惟國亦然。入其疆而道路交通。田野修治。入其都而衡宇相望。壯麗輝煌。其爲強國也。奚俟智者而後知之。入其疆而煊穢蕪蕞。蔡莽螫刺。入其都而水土卑惡。塵霾沮洳。其爲弱國也。亦奚俟智者而後知之哉。

次于渠水便所者。爲墓地。血肉之類。化而爲水。流入土內。四通八達。人飲此水。即成惡疾。墓地之不能在都會。即此故也。然全軀而葬。與火化而葬。二者不同。而火化者最優。西國火葬者鮮。中國尤以爲厲禁也。火葬之不發達。實宗教與學說。有以致之。然剖解

學既發明。則人人知人身除腦筋外。實無精神附麗之地。且人身之組織。礦物質亦爲一成分。人死以後。存者惟此礦質。乃欲保之於既死以後。歷百年而不變。何哉。且厚葬之風。中國最甚。附槨之物。奢侈無度。馬鬣崇封。橫斜百畝。以有用之森林財產。付之于陳死人。誠哉可惜。而且惑風水之說。阻礦山之利。其爲害中于人國矣。但以衛生言之。若因循不改。吾恐千百年後。墓地遍全國。無一乾淨土可以鑿而飲之也。

以上種種。皆衛生之關於外界者。至關於內界之衛生者。莫如去早婚之害。古者三十而娶。二十而嫁。日本已不能守此古法矣。故法律之所規定。則男子十七、女子十五也。以未及期之男女。結爲夫婦。童年未冠。亦既抱子。充此之弊。可使全國無完人。蓋早婚生子。是父母之遺傳。必有一部不完全者。而夭折聾啞白痴愚鈍諸害。皆早婚之爲之也。人人如此。則其人既無自強獨立之精神。而其國亦無自強獨立之資格。其不能立于生存競爭之世也。亦固其所。吾國古人身體偉大。今則短小矣。論者謂爲早婚之弊。殆其然歟。

(未完)



## 一國之時代研究之時代 (觀雲)

中國自言新學新法以來。顯出一國民性之弱點。而有礙於進步者。則思想力之浮淺。而不能緻密是也。

余嘗爲赴演說。擬言義務與權利。因先檢查學者各說。融以己意。製爲腹稿。及期。當開場之際。不先不敘述一冒頭。因畧言有義務則有權利。有權利則有義務。兩者相連而不能離。如物之有表必有裏。有裏必有表。衆大喝采。私心竊喜。以爲淺處尙如此。以下精深之處。必大博衆人之賞讚矣。乃更進一層而說明其理。因言古來學者於此事。學理上之解說各有不同。而欲審定兩者主從之所在。有言義務盡而後有權利者。有言權利備而後有義務者。有言權利義務無先後之分於兩者之外。有一根底者存而後

兩者乃從而發生焉。剖條析理，苦爲分明，以爲是必足動衆人之注意，而驚爲凡一學說。其內容固有若是其深宏者，然一堂默然，徐而察之，則衆皆欠伸欲睡矣。不覺大駭，興味盡掃，不及發明已見，復說向淺處以終其局。夫以余之心，難耐細常，恨以爲不宜於研求學理，而不謂衆人之中，乃有比余而更不能耐細者。雖未可以此概全體之國民，然固可畧推我國人頭腦簡單之一斑也。

今夫以小兒之心理言之，予以紙花，與予以黃金，彼必取紙花而捨黃金。蓋紙花能引動其新奇之心，而黃金之作用複雜，爲小兒所不解，以爲是固毫無趣味之物也。若成人之心則不然，如購一物，好看耐用，適體省費，必經智識上之選擇，而後取捨之權衡始定。而以觀我數年來所謂維新之程度，實不過眩異驚怪，僅有一種感官上之衝動。而於理之原委，事之異同，實際上之智識，毫無進步之可言。夫以此在數年前猶之可也，以爲維新之初境，不能不如是，能如是亦已足矣。然歲月日進，而心思不隨之，而俱進，則有大可懼者，何懼乎爾懼夫！所謂新學者，卒與我國人之頭腦相近，而將無以收其成功也。



如數年前有能言民權自由者。不能不許其人爲異才。然在今日。能言此者。曾何足重。如言自由。必進而求其泰西於近世紀言自由而能收其效者。其原因何在。而其說果宜於中國乎。不宜於中國乎。行之中國而其利何乎。其害何乎。從其所觀察。所解剖而其言之價值可定。若仍如數年前言囫圇之自由。則其智識上之無進步。可知已矣。

我國人思想力之不能進步也。其故尙不能深知。大都其弊由於八股。八股者。置重於詞。句。格。調。之間。以此爲評品優劣。惟一之標準。而於義理之高下。初非其所過問。試觀中國之八股史。以義理言。非獨後人不能勝。夫前人實則前人反勝。後人而於詞。句。格。調。之。間。則。日。日。翻。新。一。新。花。樣。出。而。衆。人。之。耳。目。爲。之。一。聳。相。與。激。而。賞。之。曰。此。奇。文。也。美。作。也。昔。以。此。論。八。股。今。以。此。言。新。學。吾。觀。泰。西。近。世。紀。之。所。以。進。化。者。學。者。競。勝。於。義。理。而。思。想。日。進。一。日。故。也。中。國。近。世。紀。之。所。以。退。化。者。學。者。捨。棄。其。義。理。而。思。想。日。退。一。日。故。也。此。其。原。因。上。之。一。大。區。別。也。

夫然而其影響乃見於今維新之時。試觀數年以來。我國之維新界。果有一何事之成。

就否乎。無有也。蓋一切新學新法。其條理皆極繁密。其原委皆極複雜。而非貫通其條理。洞達其原委。遂無一事之可以告成。而此固爲頭腦簡單之人之所不能入也。則遂欲厭而棄之矣。昔葉公好龍。及見夫真龍之至也而逃。今之言新說者。其能不如葉公之見真龍而逃者。果有幾乎。是固可以斷新黨大半之性質也。

或問藥思想之粗淺。當以何法。苦不能答。無已。其必先治論理學乎。夫維新數年。既不能成一事。然則其致誤之道何乎。改良之法又何乎。不能不求近數年史之一批評。而時勢神則批評於其後曰。

## 宜自一閱之時代入於研究之時代

凡學理之應用。必先審察其事情狀態。與其種種相關係之故。定一適用之方針。而後良好之結果。生若失其用之之宜。則學說之高下。不問。未有利之不能得。而反因以致害者。此學者所公認之理。而常喚人之注意者也。故真欲維新。不徒貴知。有何種何種之新學說而已。尤必講學理應用之術。是則非入於研究之範圍中。固不可也。夫不

經研究學說之不可應用。此則可舉自由之說而畧推其一端矣。蓋有聞自由之說而狂喜者。凡事無不以自由爲標準。於是行路亦存一自由之心。而不讓人。至於隘道。此不讓彼亦不讓。兩皆不得通過。其結果兩人之爭端起。此誤用學說之害之適徵也。由是言之。但抒口頭之新說。不能更進一層。而有研究之功者。其學皆可謂之無用。不過多一種新奇之談助而已。是非學說之負吾人而吾人之負學說也。

夫我國人果能嗣後知一闕之不可而興起研究之思潮乎。於一闕感興味易一方面。而於研究亦能感興味否乎。是可以卜中國前途消長之機矣。

## 對外之舉動對內之舉動 (觀雲)

從一方觀之。但有一闕之風潮。而無研究之精神者。必致無一事之可以告成。而大不能滿足吾人之心。然從一方觀之。以昏沈痲痺若死若生若醒若睡一殭石性之老大帝國。則又不能不崇拜有一闕之性質者爲當代之英雄。

余友鄧孝可曰。數年前打電之事。雖無其效。然今日并打電之事。而無之。則國人又

沈沈睡去更無可爲矣。是其言固有一理。

故以數年來經過之時日而論。若無義和團。若無收回鐵路。若無抵制美約等諸事之舉動。則維新之前途益沈於渺茫。若泛大海而并無孤島之影。此蕭瑟寂寥之歲月。吾人更何以堪。幸哉吾國人之猶有一閔。

是數事者。以時勢進步而研究之。性質亦漸加多。如義和團以蠻動之排外。而後數事改而爲合理之排外。固可謂舉動上之一進步。而可稱爲入於研究之一端。然以大體言之。於所爲各事。果能洞悉其原委。審明其利害。而有確鑿之見識否乎。是固未敢逞許也。故雖漸入於研究之途。而尙不能全脫出於一閔之舉動。

如近日築路之事。拒絕外人。歸于自辦。此其事之合理。與夫首事者之熱心勇氣。固吾之所表贊成。而一無異辭。否則亦不能有異辭者也。然所謂挽回路權者。非謂自立公司。招股份。估經費。勘工程而遂已也。如招股一事。能知中國全國之財力否乎。全招中國之股。於財政界連起之影響何乎。路之性質何乎。爲運貨乎。通人乎。抑帶軍用之意味乎。其路所經過與其終始點之形勢與出產何乎。能養路否乎。與他路

相關係之利害何乎。管理法何乎。與國家相交涉之事何乎。用人法何乎。養應用之人材法何乎。與路竝起之事何乎。而一全局之目的何乎。是固僅舉其最粗畧者。然果能有確實之解答乎。不能解答。或解答而倫恍模糊。無高出一時之見識。則於其事殆無何等之把握。謂之非研究之舉動而尙屬一闕之舉動可也。夫有此舉動。固爲吾人之所敬。然因其有此舉動。更進一步而入於研究之範圍。是又吾人所切望也。

夫舉動既不可以已。而舉動之性質。又不可不分。以判斷其本末要緩之所在。吾則定爲兩大區別。曰對內之舉動。對外之舉動。

對內者。根本之治療。一治而無不治。若對外者。不然。今若外人欲謀我鐵路也。則我起而自築鐵路。外人欲謀我航路也。則我起而自通航路。外人欲謀我鑛產也。則我起而自開鑛產。寔假而外人欲何欲。何我。又不能不爲何。爲何。外人之所求。無盡而我應之力。早窮有應。不應則并其所以應之者。而將歸於無用。例若我自築某省之路。而外人曰。我。又自開鑛產。而外人割其地爲勢力圈。中又將奈何。故若無根本之治療。則頭痛救頭。脚痛救脚。皆不足恃也。然則知對外而不知對內。直謂其人於時。

勢之見解尙無本末緩急分別之智識可也。

故夫各國當變法之時無不注重於對內而其收功亦未有不在於對內者多不具舉。試徵之日本。日本變法之萌芽也。發動於攘夷。然及其事之起也。一變攘夷之風雲而爲尊王覆幕之風雲。使日本當日之舉動。但知對外而不知對內。則日本必不成維新之功。其事固可決也。又試徵之俄國。俄國文豪古尼奇之言曰。一余甚希望日本之大敗俄國。俄國挫敗之程度深一層。則俄民自由之程度伸一層。云云。其輕於對外而重於對內可知。而是語實可爲俄國革新人全體之代表者。以是之故。俄國於國政革新之機會亦自速於中國。觀日俄之戰未終而俄皇已不能不布立憲之詔。敕以靖國人心。而俄國人民已得多少參預政治之權利。若中國則大敗之後。又大敗。又大敗。而國人尙未有注重於內政者。若人民參預國政之權。直爲中國人夢中思想之所不至。何其民智之遠不及俄人也。

故可立一言於此曰。

若無對內之舉動。但有對外之舉動。則前途必無其效。

由是而我數年來經經史之總評曰『研究精神之缺乏對內思想之薄弱』夫全地球優等生物之所以強盛者無不由於進化然則吾民曷不更求一進境乎願進一觥爲我民請曰進進

對外舉動之必有賴於對內者。如此次抵抗美約。即可見矣。夫抵抗美約之舉。以事實上言。我之用美貨若干。抵抗後而美之損失若何。我之損失若何。此一部分之討究。余於商界之事。不能明答。別爲一題。不及論。以理論上言。我之旅美苦矣。若無一番震奮之舉動。則以後吾民可絕足於美國。今當萬國交通。至足不能入人國。是自斃也。其害之大。爲何如。故此舉動實爲應有的。合理的。雖然。其中含有一至要之問題。在即抵約無非爲訂約作一張本。而吾民之抗約者。何以能於訂約有交涉。是也。以吾之一方論。不能由抗約之團體中公舉一人。以與美國辦訂約之事。從美國之一方論。亦不認吾抗約之團體中有與彼訂約之一資格。然則抗約之與訂約。其間不能有對待之打通。而中間必經過間隔之一關。即鑼鼓開場而至演劇。仍不能不退居於場後。而其事一委諸政府之手。夫使政府果能爲吾民盡力。何待吾民之

抗約爲政府既無能至吾民不能不起而自抵美約然而訂約之權仍不能不盲目而聽命於政府則試還問諸抗約者果能收何等之效也夫各國國人皆與其國家爲有機體之關聯而我則人民不能與政府之機關政府非代表人民之意志蓋人民之與國家尙不備有機體之性能故夫抗約者國人也訂約者政府也其事顯方爲兩極而抗約之與訂約遂無何等之聯合性而於其間之關係甚大無以溝通之而必不能收終局之效是固吾之所不能解而竊欲當局者以論理的貫通性而解釋之以相示也

## 日俄和議紀事本末（飲冰）

美國大總統領作調人 日俄戰局破裂於彼明治三十七年二月十日越十有六月即彼明治三十八年六月九日美國大總統領盧斯福發議勸媾和其日以正式公文貽兩國政府翌十日兩國皆諾和議自茲發端。

談判地 俄人初提議欲以法都巴黎爲談判地日本不可卒乃定美都華盛頓爲會



場。既又主秘密，以華盛頓太屬耳目。乃改其附近之坡的馬士島焉。

兩全權。日本初議以侯爵伊藤博文爲全權。既而中變。改派現任外務大臣男爵小村壽太郎氏。以駐美公使高平氏副焉。或曰。伊藤取巧。自辭也。俄國初派駐法公使尼里德夫氏。既而改派駐羅馬公使伯爵謨拉比夫氏。旋以謨氏遘疾。卒派內務大臣域提氏。亦以駐美公使羅善氏副焉。

日本軍占領樺太。兩全權方在途。日軍忽突進占領樺太島。樺太者。我國官書所稱庫頁。俄國所稱薩哈連。日本當三十年前割諸俄國以交換千島者也。當交戰伊始。日人恢復樺太之論。久囂然於國中。今茲占領。凡以爲和議時。正式割讓。預占地步。實外交上一要著也。

兩全權抵美及俄全權之大言。日本全權以七月二十八日至華盛頓。俄全權以八月二日至焉。有質意見於域提者。域曰。今茲之戰。我國苦不能覺日本有何等之大勝利。蓋吾俄國民皆視此役爲羈縻遠地之擾亂。於國家之安危。曾不足以動其豪末。日本當知我之言和。非有不得已者存。彼提出之條件。苟有損於吾俄自尊之面目者。

吾知其無能圖成也。蓋戰敗國全權之氣。既俯視餘子之概矣。

第一次會合。八月八日。兩全權同抵談判地。翌九日。遂爲第一次會合。互換全權文

據。及議定英法語並用以法語爲主等項。

第二次會合及日本要求條件。翌十日。遂爲第二次會合。正式之交涉自茲始。日本

首提出要求條件十二事。

(一) 賠償戰費(但其額未明言)

(二) 割讓樺太

(三) 承襲旅順大連灣之租借權

(四) 俄日各撤退滿洲軍

(六) 保全支那領土且開放其門戶。

(七) 韓國之宗主權

(八) 割讓哈爾濱以南之鐵路

(九) 烏港幹線之非軍事鐵路仍歸俄國。

(十) 俄國軍艦竄入於中立港者悉歸日本。

(十一) 制限俄國東方海軍力。

(十二) 烏港以北之漁業權歸日本。

第三次會合。則八月十二日也。俄全權於割地償金兩問題。一意峻拒。其他條件亦多反對。辨爭歷數小時。幾有破裂之勢。於是乃將其條件之次第變更。先其易者而後其難者。於是議第一款。爲韓國主權問題。俄全權雖認日本在韓國有優越權。然於俄韓境上日人築寨防守之事。大加反對。其於日全權所提出對韓之諸條項亦多不肯畫諾。是日無議決之事。而俄全權又提議欲將和議記事公之於世。蓋欲示諸國以日本要求之過大。和議苟有破裂。其責任則歸諸日本也。日全權不允。是以中止。其日俄都輿論沸騰。咸責日本不情之請。主戰論復占勢力。

第四第五次會合。翌十三日。爲來復日。停議。十四日。第四次會合。韓國主權問題遂決定。次及第二第三款。言日俄兩國各撤退滿洲兵。十五日。第五次會合。議第四款。言保全中國領土。開放中國門戶以上之條款。兩全權皆無異議。遂決定。次及第五款。則

由烏港至白令海峽間西伯利亞沿岸一帶漁業權讓與日本之事辨爭不相下。僅記其議事錄。以俟次日之決定。次則第六款即旅順大連及其附近地之租借權讓與日本。當下定議。

第六第七次會合 十六日。第六次會合。討議及於第七款則哈爾濱以南鐵路之讓與是也。俄全權初以此鐵路爲私人所有權。以反對日本之要求。旋亦遂互讓決定。次及第八款則言烏港幹線鐵路不得充軍用。亦小有爭論。旋歸妥協。翌十七日爲第七次會合。始議及第九第十第十三款。第九款即戰費賠償問題。第十款即竄逃艦隊問題。第十一款即限制海軍力問題。此三款即會合以來彼此相持不下。辨爭最劇者也。故俟他款決定最後乃提議焉。是日彼此仍堅持不讓一步。談判殆復破裂。第八次會合乃談判中止。翌十八日爲第八次會合。提議第十二款即樺太割讓問題。終不決。而前此所議第五款。即西伯利海岸漁業權問題。以是日決定。其餘最重要之四款。終不相下。乃定延期至二十二日再議。屆日。兩全權會合。俄全權又請延期至二十六日。屆日又請延期至二十九日。二十九日爲最後之談判和約。遂定。

和議之成立及條約之內容。一年有半之戰雲。至是遂解。其媾和條約草案。今已成。立不日署印。據各報館電達內容如下。

第一條 日俄兩國之主權者。及兩國之臣民。自今以往。再締親交。

第二條 俄國承認日本在朝鮮境內一切政治上經濟上軍事上皆占優越之利益。凡日本對於朝鮮所有施設保護監督之手段。俄國概不反對。惟俄國臣民在朝鮮者。應與他國臣民之在朝鮮者。一體優待。

第三條 日俄兩國軍隊在滿洲境內者。同時撤退。惟私人及私立會社（公司）原得之利益。依然存在。

第四條 旅順口青泥窪一帶。俄國所有之權利及其附近之土地海面。皆轉爲日本所有。但俄國臣民之財產及權利。仍尊重保護之。

第五條 日俄兩國政府在滿洲地方所有經營工商業之手段。（但其手段限於與各國同樣者）彼此不相妨障。

第六條 滿洲鐵道以寬城子（即長春）驛站爲界。其北屬俄。其南屬日。俄國於

其所有之部分。凡前此與清國所結條約。應得之權利。一切保存之。惟鐵路只許供商工業之用。

長春以南鐵路枝線附近之煤礦。悉歸日本。

日俄兩國於其鐵路所通行之地。一切施設有完全之自由。

第七條 日俄兩國鐵路相接續。以寬城子爲連絡點。

第八條 此兩枝線以保障兩國商業運輸爲目的。彼此車輛來往。互不相妨障。

第九條 俄國將樺太島南部正北緯五十度止及其附近之島嶼讓與日本。

宗谷海峽及韃靼灣。彼此有自由通航權。

第十條 居於樺太南部之俄國臣民。其變更國籍與否。聽其自由。其不變更者。仍一體優待。又俄國罪囚在此地者。應交還。

第十一條 日本海阿哥士克海白令海一帶。凡俄國領海內之漁業權讓與日本。  
第十二條 日俄兩國戰前之通商條約。自今復認爲有效。彼此皆照最優待之國相待。

## 第十三條

俘虜互相交換。彼此各將其給養費實額開列。清算互償。

## 第十四條

條約用英法文各一本。或解釋時生異議。以法文本爲正。

## 第十五條

本條約署印後五十日內。經兩國主權者批准實行。

日本國民之憤激及其暴動。

日本國民方日顛顛焉企踵以望平和。及和約之內容

一播。全國失望。舉三島悉爲悲慘之氣所充塞。今略紀之。

憤激之原因。

日本人自以戰勝國。凡日本所提議。俄國悉當屈服。今見讓步太甚。

失望之極。殆至發狂。其所最不滿者。

(一) 初時有償金之提議。其額雖未明言。民間盛傳有五十億或二十億之說。其後雖經俄國拒絕。猶有改換名目。作爲補償。給養捕虜費若干億之說。及見其結果。一文俱無。人民大怨。且生出經濟界之恐慌。

(二) 樺太島。本日本地。今次復以兵力占領。舉國皆謂從此恢復。其後聞日俄中分之議。咸已不快。猶風傳俄人許以若干億贖回該島北部。及最後發布約文。並無贖金。而割還其半。人民更觸起歷史上舊怨。滋益激昂。

(三) 朝鮮主權一欸。初時各報館電告約文。甚爲簡略。只言俄人在朝鮮得有最惠國條欸。日人因疑上國之權不確實。

(四) 滿洲地方兩國同時撤兵。日人謂如此則日本在滿洲不能占優越之地位。此次戰爭之目的。遂不得達。而撤兵之後。俄人在界外仍駐兵。與滿洲比鄰。易生再次之騷擾。日本於形勢上。反不能及俄國。

(五) 宗谷海峽初時。傳兩國艦隊皆禁止通行。人民以爲損國家之光榮。深爲感慨。其後知約文實爲兩國艦隊皆許通航。仍不能銷其惡感。

(六) 其他諸欸。如竄逃艦隊問題。限制海軍問題等。凡日本要求條件之重要者。悉皆放棄。咸以爲大損戰勝國之面目。故憤心隨恥心而生。

(七) 總以上諸原因。復有政黨之與現政府反對者。欲利用此時機。煽一國輿論。以倒政府。故其益張。

暴動之情狀。及政府彈壓之手段。憤激之情。如風如電。橫掃直閃。倏忽徧於全國。而東京首善之區。尤爲其燒點。旬日之間。全都騷然。演出三十年來未有之慘劇。今



略紀其實。

國民大會 九月五日。東京市民倡所謂國民大會者於日比谷公園。露地演說。反對和款。政府命警察彈壓之。守公園門。禁止來者。卒由其代表人匆匆登高阜演說數語。宣讀提議。(一)伏闕上書請天皇勿批准條約。(二)發電滿洲軍令其勿停戰。羣衆鼓掌如雷。咸表同情。既而來者愈衆。警察干涉愈嚴。拔刀相嚇。致傷多人。民衆與警察奮鬥。互有死傷。

火內務大臣官舍 其夕。民衆愈集愈多。警察之力不足鎮之。乃命憲兵相助。憲兵傷人民數十人。衆益激昂。內務大臣官舍與日比谷公園毗鄰。而內務大臣者。又警吏之所屬也。衆乃以此遷怒火其邸。

破壞半官報 和議之成也。全國報館皆攻擊政府不遺餘力。惟國民新聞。獨爲政府辨護。國民新聞者。前此專提倡平民主義。與藩閥爲敵者也。兩年來見賣於政府。爲之喉舌。故有半官報之目焉。人民怨毒之甚。乃相率闖入。毀其機器及其廬屋。以警兵嚴護。損傷不多。

仇警察。其後官民之衝突愈益劇烈。人民皆與警察爲仇。六日七日八日凡三日。間全東京市之警察署被燬者三十餘所。市內之警察出張所街中小屋警察休憩之地悉爲灰燼。無一存者。警吏蟄伏不敢出。全市殆如無政府然。

鬧教案。連日俄國教堂在東京者被燬。又以美國爲調人。故遷怒及之。美教會數所亦燬焉。其餘他國教會被害者尙不少。又有以禍端之起。由我中國者。欲火我留學生會館以洩憤。公使請彼政府保護。僅乃無事。

各地之舉動。東京以外。全國各地。皆如沸如狂。舉動亦略相等。今不備記。

戒嚴令之發布。九月七日。政府乃施行戒嚴令於東京市及其附近。又增調憲兵以資防壓。令警視總監及東京郵便局。皆歸衛戍總督轄下。每一警察出執役。以四憲兵夾持之。人心皇皇。如臨大敵。

言論自由之抑壓。同日頒行新聞紙雜誌取締規則。取締者管理之意翌日。都新聞、二六新聞、萬朝報、報知新聞、被命停止發行。其他日本新聞、朝日新聞、人民新聞等。陸續停止。或科罰金。

政府之辯明。政府一面施鎮壓手段。一面欲宣導民氣。乃於九月八日開宴會於首相邸。徧請上下兩議院議員之有力者。兩大政黨首領等及報館主筆集焉。首相桂太郎氏宣告此次議和之不得已。其大意(一)經濟力不能持久。(二)兵力今後益薄弱。戰員恐不充。(三)此後續戰勝負未可必。以此理由。不能不稍遷以求平和。云云。衆人未能心折也。

政黨之決議。九月九日。憲政本黨開會議於本部。宣布決議案兩條。(一)講和條件乖戾。宣戰之本意消失。戰捷之權利違背國民之意思。爲千載之大屈辱。政府不能辭其責。(二)言論自由。集會自由。憲法之所保障也。政府濫用警察權。殺傷無辜之人民。致帝都陷於無政府之狀態。遂布戒嚴令。爲憲政創始以來第一大失政。政府不能辭其責云云。

內務大臣警視總監之辭職。九月十二日。內務大臣芳川顯正氏警視總監安立綱之氏。引責辭職。民氣稍平。將來結局。恐非至內閣更迭而不止也。

和約平議。此次日本之外交。總不能不謂之失敗。蓋其所獲者。如韓國宗主權。滿洲

鐵路等皆戰爭中已獲之結果。此次外交惟有所損絕無所加也。其所以失敗之由：(一)或言美大統領之調停出於日本政府之授意。果爾則日先立於乞和之地位。其過大之要求自難如意。此其信否。今未可斷。(二)聞英美兩國皆有挾迫日本速就平和之意。其所挾者則外債也。日本如不讓步則將失與國之同情。(三)當第三次會合時。域提忽提議變更條款之次第。將最難決之四問題移諸最後。實為制勝之二原因。蓋十二款中俄徇日請者既有八焉。餘四而日本猶堅持不相讓。則和議之破裂。其責任將不在俄而在日。俄人有詞矣。而彼八則兩造之所輕。而此四乃兩造之所重也。為日本計宜先其所重。而後其所輕。毋使俄人得先發以博世界之同情。此之不圖。則小村手段非域提敵也。和款一播。各國皆驚日本之寬仁。且云此次為道德上之大勝利云。俱見東京各新聞之電報言

外殆含嘲諷焉。而域提電奏俄皇謂日本政府已全應我皇之所要求。宛如戰勝國口吻。日本人認此役為大屈辱。誠非無故。雖然以日本現在實力論之。其所徵發已及國民第二軍戰員漸告缺乏。而戰爭之起一年有半。日本支出軍事費既十七億元。有奇。若再繼續其財力實有所不堪。現在全國經濟界窘迫之情狀。章章不可掩也。此就日

本一方面言之也。若夫俄國誠有如域提所云羈縻屬地之戰爭於其本國會不足以損毫末。俄國者非積極的戰敗而消極的戰敗也。既非城下盟而欲得償金在旁觀者固知其不能故償金問題實日本人虛榮之夢想而已。至於樺太之中分誠難慊然。然國際法上戰時占領地本非可稱權利之占領。雖還其半而於日本之面目尚非大損抑樺太非此次交戰之目的也。此次之目的在朝鮮問題。滿洲問題。若樺太則其附屬之枝葉而已。此役既已定朝鮮之宗主權。又俄國在滿洲及遼東半島之力既已殺則其最高之目的實已達其七八。此亦不可掩之事實也。顧所憾者此皆戰爭上之所獲而非外交上之所獲。更質言之則皆軍人之賜而非政治家之賜。彼政治家實未嘗有絲豪之力能爲軍人之後援也。此其國民所以深憾而不可解也。或曰彼將於甲方面有所讓而於乙方面取償焉。所謂以屈爲申也。吾見彼半官報國民新聞評大隈氏之演說有云。『外交之成功不徒在區區和約更有他途焉。請大隈徐以觀其後。』果爾則此言信矣。所謂他途者安在。舍中國其有他哉。先以極讓步之和款博世界列強之矜憐。後此與中國之交涉無論要求若何而第三國將諒之而不輕容喙也。此亦一妙用也。

嗚呼、我國甯有如域提其人者哉。

日俄和約與中國和約第六條云。『日俄兩國於其鐵路所通行之地一切施設有完全之自由』此係據電報譯文簡略。未知其內容實際如何。九月九日時事新報解釋之云。鐵路問題。最初俄國欲以現在占領區域爲界。日本欲以松花江爲界。其後協議交讓。卒定以長春爲界。長春以南之鐵路及其附屬撫順烟臺之煤礦。昔屬俄國權利者。悉讓與日本。又長春吉林間之鐵路敷設權歸日本。俄國不阻撓之。其結果則長春吉林線以南之滿洲爲日本勢力範圍。其北則俄國勢力範圍也。云云。由此言之。則日俄實瓜分滿洲也。約文中所謂一切施設者。其範圍不知何如。大約不離委任統治者。近是嗚呼。當局者其慎毋以兩國撤兵遽爾自安也。



## 美人手

第廿九回 說來歷故主認原贓 露真情狂生受奚落

紅葉閣鳳仙女史譯述



却說瑪琪拖亞。携了那美人。出了院門。一直跑過對面那間小小的酒樓。踱上樓來。揀了後頭一所僻靜的小廳子。進去認了座。是時那美人。覺得很安心的模樣。也不客氣。兀自拉了一張椅子。坐着一面解手套。一面說道。這個地方很清靜。在此坐坐。人也舒服。點兒那邊鬧烘烘的。坐得人怪煩呢。說着那手套已經除了下來。摺疊起來。向衣袋裏一塞。又跑到前面。照身鏡裡一瞧。提手把花冠整了一整。重復坐下。瑪琪拖亞正想設法哄他脫脫手套。不意他大大方方先自脫了下來。正是心從所欲。瑪琪拖亞便借意攏近來。拉着他這雙玉手。湊到唇邊。親了兩嘴。見他又纖又白。又溫又軟。恰像一排當春的笋尖兒。不特人工萬萬做不到。就是天工也怕不輕容易再揀得。一對兒心裡暗暗稱異。想道。橡皮那裡做得恁般肖。兩隻明明都是真的。這也就奇怪了。莫非嘉喜

夫人的話不實在麼。再又想到。倘無蹤影。嘉喜夫人未必混說。難道俗語說做賊三隻手。果真是那帶鐲子的。又另外有一隻手麼。自覺錯疑了人。臉上倒有點不好意思。搭起着向椅上。把叫鐘按了按。傳了跑堂的來。吩咐端上茶點。把門閉了。兩家用着。瑪琪拖亞道。今早我到上布街訪你不着。以爲你有意瞞拒我。再也不許相見了。不料今夜竟能覓伴着姑娘一塊兒。真是夢想不到。此時我心裏纔有點安慰呢。那美人道。你真有點心麼。我何嘗不是這般心事。但我自從那天會着面。心裡總以爲你定過聘。心裡上已經有了人。雖然我縱是不能攀附。同你做個朋友也是好的。我若不願意。還同你到這裡來麼。但只恐我雖願意。同你做朋友。怕也是做不得久長的呢。瑪琪拖亞道。這話怎解。美人道。就是你那位定婚的心上人。見了我。同你來往。不要疑心起來。麼。那時倒令你受了爲難。那怎能彀長久呢。瑪琪拖亞道。你那裡見我定過婚。我定婚的在那裡。美人道。你也不要瞞我了。不定過婚。你隻鐲子那裡來的。瑪琪拖亞道。我老實告訴。你這鐲子不是人家給我的。美人道。不是人家給的。難道是拾來的。麼。瑪琪拖亞道。倒被你猜着。我真真是拾來的。啊。此時那物的原主。還不知到是那個呢。美人佯驚道。啊。



啣。既是無主遺物。怎麼你不報警察呀。瑪琪拖亞道。這裡有個緣故。我正在要留着做個憑據呢。美人道。有甚麼緣故。不過見物思人。要想丟。又捨不得丟罷。咧。瑪琪拖亞着急道。請不上兩句你心裡。又轉到那邊去。真是要急煞人呢。我告訴你罷。這裡的緣故。實在爲的是說。至此忽然把話頭截住。囁着想了。想道也罷。你還不會見着這隻鐲子。我先給把你照照罷。美人道。不錯。那天夜裡。我觸是觸着。還沒有賞鑒過。且借把我開開眼界也好。於是瑪琪拖亞伸手從腕上把手釧脫下來。遞給那美人。那美人接過手來。瑪琪拖亞便暗裡留神窺探那美人的神色。只見那美人拿在手上。攏近燈光之下。細細辨認了一回。很露出疑詫之色。隨說道。哎。啣。怪出奇呢。這不是明明是我的鐲子麼。瑪琪拖亞不意他老老實實自己倒認起來。不禁楞了一楞。答道。這物果是你的麼。美人道。是的呀。這件東西是從前那外國人送把我的。我帶了時候也不少。當時嘉喜夫人也曾見過。諒他還記得起。因爲我那天同嘉喜夫人會着他。他很賞識這副鐲子。還拿着看了好一會兒。那時這鐲子上有一顆鑽石。丟掉了。我還問他。那裡有好工作的。店子想着配還一顆。他還告訴我。好幾家首飾店。你看這顆鑽石。就是在後鑲過的呢。

後來那外國人回國去。我也帶厭煩了。留着沒用。因此我就把他賣掉呢。瑪琪拖亞道。你賣了給那個呢。美人道。我也不知到當時交了一家夜冷店。托他同我拍賣出去。他拿去了一個禮拜。就拿回二百銀子來。說是拍得這個價。我胡亂便把銀子收了完事。後來落在那個手。我也沒追究了。你的來歷呢。又從那裡來的呀。瑪琪拖亞含糊答道。如此說你當日轉手之時。也沒追究。如今還跟究他做甚別管他罷。美人道。你分明是情虛沒得說。又來抵賴罷。咧。那裡好端端一件東西。西人家會丟到路邊。請你拾的。我不是三歲小孩子。你哄誰不直說嗎。我總是不相信的。瑪琪拖亞道。你定要我說麼。我畧道一句給你聽。這手釧是一個女強盜遺落的呢。美人道。甚麼女強盜怎的。又不往下說。沒頭沒尾聽得人怪不耐煩。你爲甚麼不演翻幾句把個甚麼一丈青孫二娘捏進去呢。瑪琪拖亞道。我真真不是說謊哄你。真真是一個非常的女強盜啊。美人忽轉念道。哦！我明白了。你拿着這個手釧。想查探那女強盜的蹤跡麼。你真是閒得沒寧耐了。偏要找那這人作對。怪險的。看不出你倒恁般好事呢。瑪琪拖亞道。一個人的性質各有不同。我平生最愛是探偵一門外間有甚麼祕密事情。我都喜歡打聽呢。瑪琪拖

亞說還未了那美人忽若有所覺悟突然挺起腰來拍着手笑道我明白你的心事了你當我就是那個女強盜想要來試試我呢哈哈我知道了可笑可笑哈哈可笑可笑瑪琪拖亞漲紅了臉說道那有此事你不要蠻猜瞎說罷美人道你不用強嘴了我曉得的適纔戲院子裡見你同嘉喜夫人咕咕噥噥坐在一處一定是嘉喜夫人告訴你說這件東西是澤瀨梅的你就以為查得證據急急跑過我這裡來又設法要哄我到館子裡慢慢試我的口供可是嗎哈哈可笑適纔你把手劍給我瞧我知道你也有意思的你想借着這件東西觀觀我的風頭想兜尋我的岔子呢你這個人啊哈哈着實的有趣哈哈着實的有趣說着觀了瑪琪拖亞一眼不覺捧腹大笑起來是時瑪琪拖亞句句被他道着心事自然味不過本心不禁慚愧起來一時臉脖子上火辣辣的翻動了血潮紅一陣白一陣坐也不是立也不是心裡不迭的盤算想着找幾句話來支吾一時又找不出正在急得沒法恰好那美人咽着笑開口說道噯唷笑得我腸也痛了勻身都熱起來請你替我把那個窗兒打開涼涼罷瑪琪拖亞急忙答應跑過來把窗推開趁勢又開開門傳呼跑堂的再要了幾樣茶點復關上門然後歸座是時美人已

歇了笑。仍舊拿起那隻手釧翻來覆去的看。瑪琪拖亞。猷猷的守着。還未想得出說話。來兜搭。忽聽門外鬧喧喧的。跟着索索的脚步聲。一到了門前。便聽得蓬蓬蓬。搥門聲。隨有人厲聲喝叫道。開門。開門。不知那人是誰。欲知其詳。且聽下回分解。



# 飲冰室詩話



文苑

月來得海內外貽書以詩挽公度先生者頗多。其最佳爲何翹高外部六絕句。情文沈鬱。風格迥絕。詩云：一場恩怨惺惺。半世功名惹惹。車丙申將使英赫德以星加坡領事職汚事讒之身後未除鈎黨籍。獄中寧有自陳書。戊戌上海逮捕鞠獄未成遂廢棄終身他年倘爲蒼生起。今日益傷吾道孤。地下若逢楊侍讀。除書曾到九京無。四川楊叔僑侍讀死後。余屢入都五日三訪予。自言介紹梁任甫。丙申四月公奉召入都爲余識公之始。甫卸裝即携人境。廬集來訪頗怪公何懃懃如此。既自言任甫所介紹也。北海風流今寂寥。死抱幽蘭淚如雨。庚子後余服闋再入都當道諸公求以虛聲取士於孤寂中者亦無人矣。翁常熟張樵野亦不可再見。每下愈况矣。潛焉出涕睠同舟。橐筆東瀛抱隱憂。日本國志已見及今日漢志十篇誰纂續。明治十五年可憐無命作譙周。牖下尋思亦國恩。逋臣况有東亞大勢。未招魂飄零海外無歸日。贏得中原七尺墳。汰弱難逃天演理。涅槃未了衆生緣。靈魂不死轉輪去。又作人間新少年。

翻高篤行熱誠士也。故其詩肖其為人。余記其送江孝通戶部出都一首云。忍淚吞聲立片時。斯人寧有出山期。過江風雨夜來疾。鬣憤龍愁亂我思。其風格直逼杜集也。孝通名逢辰。吾鄉畸士。今既死矣。

觀雲輓黃公度京卿一首云。公才不世出。潦倒以詩名。往往作奇語。孤海斬長鯨。寂寥風騷國。陡令時人驚。公志豈在此。未足盡神明。屈原思張楚。不幸以騷鳴。使公宰一國。小鮮真可烹。才大世不用。此意誰能平。而公獨蕭散。心與泉石清。惟於歌嘯間。志未忘蒼生。與公未識面。公與南海余至。今皆未識面。煙波隔滄瀛。公云有書至。竟未遺瑤瓊。公致飲冰主人書云。有書致余。然書竟不

至俄聞鵬鳥賦。悲淚滿衿纓。正為天下痛。非關交際情。才大世不用。以下六語。真能寫出先生之人格。可當一小傳矣。觀雲復有一挽聯云。『如此乾坤待臥龍。而不起。正當風雨失鳴雞。其奈何。』雖寥寥數語。而所以謳思偉大人物者盡之矣。

觀雲復有弔鄒慰丹容死上海獄中一首云。蜀水泠泠寫君心。蜀山嶮嶮壯君魂。囹圄夜雨春鏗腥。魑魅詭談羅刹嶼。揮手君曰叩帝闕。帝醉豺虎當其門。君怒謂天亦昏昏。革命今當天上行。雨師風伯頑不甞。耿耿孤衷合青冥。下界何有孤墳荒土三尺黃。

浦濱有人伐石爲之銘曰革命志士鄒容容有書曰革命軍讀者使人長沾衿慰丹吾未獲見觀雲此詩當益令慰丹不死。

觀雲復有挽羅孝通一詩并序序曰羅君孝通余未識其人。知其在日本第一劍術家。日比野處學磁氣催眠術技甚精。又知其學爆藥業成而歸。忽聞於六月十三日爲廣東大吏所殺。詩以紀之。詩曰精絕催眠術。兼研彈藥新。十年曾蓄志。百歲此歸神。天上靈猶俠。中原氣不春。蒼蒼雲海外。痛哭又何人。羅君實行家。其前此秘密詭異之歷史。不能盡宣之。與余交十年。去歲同舍居又十閱月。惡耗忽傳。欲哭無淚。佛塵以後。此爲第三次沈痛矣。觀雲一詩。讀者可彷彿其爲人耳。痛哉。

挽公度詩頗多。不能悉錄。擇錄佳句一二。詩有萬言公不死。緣無一面我非私。右皖人蔡笠雲作

倘肯再來應大覺。欲成九辨已無詞。同招魂嶺嶠春潮隔。行哭江湖暮雨冥。右南昆命生作儒林

爭拜靈光殿。詩界新開人境廬。右嶺西倚劍生作民間私定陶潛謚。海上龕迎白傅歸。舊日冠巾

成紀念。故山猿鶴尙哀飛。同人天撒手歸真早。留下仔肩付與誰。同公度於丙申春間。

曾爲一金縷曲。贈鄙人及吳鐵樵陳師曾者。記其開端三句云。『世界無窮事。付後來。』

文苑

一〇三〇豪俊吾今倦矣。讀倚劍生詩。振觸及此。哀與慙兼矣。





寄書



## 于君右任寄本社書

本社頃奉此書於本報十八號論文中失檢處有所匡正本社不敢辭責敬謹登錄並以本社之意爲錢君謝于君我國今日禦侮之不暇誠不能於本國中再分畛界于君所言字字敬佩且其論吾國人現在相响以沫之實情尤足令全體同胞惕然猛醒惟在錢君亦不過偶爾失言非好爲挑撥同族之惡感情而本社未及與錢君商榷率爾紀載其咎實本社任之今從原書中一二過激之語刪去免緣此更生第二之惡感情當亦于君所許也

本社識

大報十八號所載金匱錢氏中國地理大勢論中有

于君右任寄本社書

籌就長江流域民族(下省曰南人)處置大河流域民族(下省曰北人)之二法。不佞閱之。始而驚。繼而怒。終亦不知夫涕之何從也。以爲吾人日日喚同胞。不料同胞刻刻謀處置我。視我如異種。而賤我若奴隸也。(中略)凡文舉國之大報紙。莫不操一國最上之權。爲民黨之機關。作政界之方針。故其造論。無不審慎。不造則已。造一因必有一果。債事者容或有之。斷未有操同室之戈。欺侮同種。蹂躪同種者。亦未有挾他人待異種之策。恐嚇同種。誣鱗同種。不以人道待同種者。蓋心理上如是。學理上如是。故言論上無不如是也。吾國報界之發達。大報巍然祭酒。年來聲價物望。儼有操縱言論之資格。故立言紀事。全國人尤屬耳目焉。不圖錢氏之論。出現于地理欄中。(中略)大報認可代爲傳播。正恐怨毒之積于人心。報復之見于實事。來日方長而未有已也。既傷同種親

## 寄書

愛相維之感情。復解同國艱危共濟之團體。轉失大報天下爲公之名譽。不得進一言以闢其說。處置者強權派用之以待異種之名詞也。其方法有三。有瓜分而處置者。有保護而處置者。有奴虜而處置者。奴虜而處置。則剝削其人權。保護而處置。則乾沒其國權。瓜分而處置。則人權國權一齊掃地。蓋侵略家之野心。無所不施其毒手也。但平等者對於平等者。則斷斷不敢出此。即梟雄之徒。未有敢與公論抗與公理戰者。若就吾國習慣上觀之。所謂處置云云者。亦無一不施之于下等。(如處置囚徒)未有用之于上等者。(中略)世有出外遊歷者。見盜賊之持刀劫人而暴富焉。於是歸而欲用之于鄰里鄉黨。又欲歸而轉用之于伯叔昆弟。獨不悟盜賊之所對待。非骨肉也。倘仿其術而用之于骨肉。是盜賊之所不忍爲也。人而敢爲盜賊之所不忍爲者乎。不佞無論

有南北之成見與否。就羣理而論。應與不共戴天者也。然此字句之間。姑不深論。請言其處置之法。曰現在者。一曰將來者。現在處置之法。引泰西強權派以優等民族待劣等民族之成案。投資本于北方。以指揮監督之。開闢其礦山農業等以供人類之用。夫天下惟實力周足于內。而後事業澎漲于外。西人之殖民遍五洲者。因母國地小。不足以迴旋。加以國力財力。在在充溢。故踏遍五洲。謀人路礦。苟有可以投其資本之地。無不萬馬奔馳而來。南人(指長江流域民族言)果真有見于此。欲闢世界之礦山農業。以供人類之用。則非洲澳洲西伯利亞之一片荒涼。較大河流域千倍萬倍焉。何以不引強權派之言而一着手。曰不敢施于人。也。然西人所謂強權者。非強之于同洲同國同種。而強之于異洲異國異種者也。然其謹慎如此。分別

如此。尙有以盜賊派目之者。反是烏足語于人類哉。吾今茲尙有兩事。欲質問焉。(一)南人之資本。果否足擔任北人之實業也。海通以來。沿江海各省。生計界非常活潑。自今東西各國。及南洋群島。民族之以富聞于其間者。莫可僂指。然望其經營祖國事業。勢難兼顧。亦鞭長莫及。故今茲之所比較。國中。之資本而已。自今境內商業財政上。北人所占之位置。亦未嘗遠遜于南人。曩之礦山等。無人過問者。不過一阨于官吏。二限于土法。想南人亦同聲一慨。故民辦之礦。亦麟角鳳毛。知自辦事業之有益者。近一二年間事也。安見北人不應時而起。坐視同胞執強權而摧夷我哉。(二)南人之公德。果否足擔任北人之實業也。江浙爲賣路礦人物出產之地。(如某某等屢見于各報他省無如此之多)于其生長釣游。祖宗墳墓所托之故鄉。不惜百計鑽營以自鬻。報章寫之而不知

于君右任寄本社書

羞。鄉人逐之而不知恥。日惟狗苟蠅營。爲金錢所奔走。即北人有心託之南人。無奈奪之同胞之手。而貢獻于異族何。又無奈借異族之款。以愚騙于同胞何。加以大河流域失權利之路礦。無一非經南人之手而拍賣者。慘記念。痛心事。至今觸目而髮指。世界上有此優等民族乎。

若夫優等劣等之分。未知作者從事業乎。從文化乎。從歷史乎。若從歷史而論。南人之寸地尺土。無一非北人奮手足之烈所經營者。其築路築鐵以啓山林。斷髮文身。以就習俗。戰瘴瀆驅異族以奠厥居。備歷風霜。備嘗艱苦。始有此山明水秀之一日。他勿具論。予秦人也。錢氏吳人也。請述秦吳交涉之歷史。秦伯開吳。經史如詔。吾秦人亦大有造于江蘇。今日者爰居爰處矣。祖功宗德。視等弁髦。則亦已耳。若反挾外人待異種之策而來蹂躪。則吾北人不得不有一言。

## 寄書

英者美之母國也。聞美因虐政而反對母國矣。未聞無故而欲以虐政施諸母國者。天良不泯也。希臘羅馬者。歐洲文化之先進也。西人之宗教家政治家文學家。莫不表敬慕之情。即下流社會。亦飲水思源。無敢狎侮。蓋遺澤在人也。國度不同。尚且如此。何況國度同。語言同。文字同。種族同。更有非常之關係者乎。狐向窟嗥不祥。作者其知之否。抑吾之岌岌所謂同者。非攀附以眩奇也。不過數典如此耳。日本維新時。有倡議與亞洲不同種者。世人多非笑之。作者既指北人為劣等。何不更倡不同種族之說乎。若就文化而論。南老北孔。作者判斷天然。但事實則不盡然。按太史公謂老子為楚苦縣人者。係從後日定之。其寔苦本屬陳。地勢當南北兩界之間。老子之非長江流域之生產物。可斷言也。其學術得之于西方者尤多。（為柱下史）然老子之厭世。與孔子之教

世。二者孰有益于社會。平心論之。養成數千年不痛不癢之世界者。其學說大有力焉。痛恨之不暇。圖賴而比附之。豈有當也。若夫創垂千年之文物。發明絕世之哲理。周秦時明道之聖人。兩漢時傳經之鉅子。以及國文作手。佛典譯才。無一非北人千辛萬苦。擲多少心血。以爭此神洲文物之名譽。國民精神上飲之食之者何限。今日者有一知半解矣。即轉而欲處置我乎。往年日本唱中國版權同盟。吾國之反對者。至謂其國數千年一滴點之文明。皆從中國輸入。今日不當援歐人之例以加諸我。夫公理自在人心。日本尚不當援歐人之例以加諸中國。豈南人固可援歐人之例以加諸北人乎。王孫一飯。他年猶戀戀之不暇。識者于此可以覘人心矣。若從事業而論。世界上文明之物質。如羅盤等物。皆係中國所發明。無一不成自北人之手。北人之榮。國

民之榮也。至若箕子入朝鮮。徐福入日本。元奘入印度。張騫入西域。轟天震地之歷史。無一不出自北人之手。北人之榮。亦國民之榮也。故上世中世之事業。必讓北人爲獨步。惟入近世紀。始相形見絀耳。但西力東漸。不過數十載。長江流域交通如是之便。西學輸入者無幾年。大夢初醒者無幾日。其進步也不過文十湯九之間。憐我憐卿。則有之矣。所謂此優彼劣者。未知將來真正燦爛之歷史。果屬之何人。高譚大腕無當也。

如謂大河流域。地有餘利。民有餘力。則極目東南。彌望皆是。故外人處處垂涎。近來鐵道之爭。航路之爭。礦山之爭。無一日報章不發見。南人尙岌岌自保之不暇。舍其田而芸人之田。前頭固足以憑陵他人矣。後顧得無思他人憑陵乎。正恐今日之瘁心壹志。謀指揮監督于同胞者。他人乘隙而入。又依樣葫蘆矣。

于君右任寄本社書

倘有如是之一日。吾北人必不忍坐視。曰兄弟顛連。宜被髮救之。不忍乘其危而用其手段也。此非吾一人誇大之私言。人情于已所親近者。莫不有利害切身之慮。不敢因無知之一言。而使膜視同胞。亦不敢因無知之一言。而即背棄公理也。

將來處置之法。謂『將來新中國成立。而行參政代議士之制。惟長江流域民族。得享有參與政治之權利。大河流域民族。則不得有參與政治之權利。引泰西政治家言。不能多担任國家納稅之義務者。決不得有參與政治之權利。今大河流域民族。多待哺于長江流域。安能多担任國家納稅之義務。既不能担任國家納稅之義務。安能享參與政治之權利。而長江流域民族則不爾。即以現在而言。江浙漕白。爲二省冠。而近日攤派洋債。又負天下之最多數云云。』未知將來新中國。成立于北人乎。抑成立于南

五

人乎。現尙未知鹿死誰手。使南人捷足先得。則北人有呼天搶地之一日。一曰奪其生計。使無噍類。二曰剝其人權。使無生機。此非予周納之言。奈作者建議之策。其結果必如是也。如是北人何望有新中國。其政府較今之滿洲。尤苛虐矣。即較英之待印度。俄之待波蘭。法之待越南。日本之待台灣。美之待菲律賓。有過之而無不及。世有此新政府乎。魯仲連甯蹈海而死耳。使北人捷足先得。即用南人制北人之策。施之南人。尙且不爲已甚。僅如英之待印度。俄之待波蘭。法之待越南。日之待台灣。美之待菲律賓而止。南人肯甘心受之乎。且作者倡言不能多擔任國家納稅之義務者。不能出代議士。抑知不出代議士。不納租稅乎。蓋有權利而無義務者。謂之盜賊。有義務而無權利者。謂之奴隸。必也盡絲毫之義務。即享絲毫之權利。二者相當。其理乃公。使南人能舉洋債

而全擔任焉。且凡北人所納之租稅。未來者新中國政府免之。已出者新中國政府還之。如此則北人方肯棄其議事權以自圖。反是則不甘心也。更有一說。洋債之派。南北直省。不盡停均。南方各省非無少者。北方各省非無多者。然則兩相比較。其少者出代議士時。亦應淘汰可也。再析論之。一省所派。亦參差不齊。即以江蘇論。遠省各州縣非無少者。附省各州縣非無多者。然則兩相比較。其少者出代議士時。亦應淘汰可也。（果爾則蘇松之民必亦不許金匱出代議士作法自斃錢氏可謂能敬恭桑梓矣）何也。有作者所引泰西政治家之言足據也。豈不悖哉。夫租稅多則出代議士多。租稅少則出代議士少。其論理通。大河流域之出租稅少者出代議士少。長江流域之出租稅多者出代議士多。其論理亦通。長江流域無論租稅多少之省分皆出代議士。大河流域無

論租稅多少之省分。皆不得出代議士。則其論理不能通矣。天下有悖謬絕倫如此者乎。

若謂江浙漕白。爲二十一省冠。則江浙以外之省分。出代議士時。均應淘汰。何以獨擯大河流域而不得與也。且所謂天庾正供者。都西京時則運西京。都北京時則運北京。爲京師非爲土民也。其所食者不過京師一小部分。非大河流域各省也。蓋強北人食麥。者食米之不願。亦猶強南人之食米者食麥之不願。埋正相同。否則西京運道可以常存。何以至今廢然兩岸。莽莽黃蘆也。若現供北京者。不過供南人之食于官。與滿人之食于漢人者而已。試問南人有隱痛乎。無隱痛乎。誰食其毛。誰踐其土。誰待哺于東南。乃反而遷怒于同胞。欲奪大河流域一帶之議事權也。攷漕運之興。本爲養軍人起見。蓋患在陸用北人防之。其勢最便。以此之故。老弱轉糧餉。丁壯疲軍旅。碧

于君右任寄本社書

血潤野草。白骨暴荒原。其健兒前仆後繼。擲身首爲國捐軀者。無有窮期。讀李華古戰場之文。誦杜甫石壕村之詩。專制時代所以毆民于疆場者。會視之不雞犬若。天山月。長城雪。生人淚。死人血。至今猶慘不忍聞。蓋彼時稍一挫衄。則胡兒鋏騎遍中原矣。故北人力竭之日。即神州陸沉之日。歷史不少成例。即不挫衄而征調遍天下。其風土瘡痍之摧殘。農工事業之荒廢。所失亦莫可計算。少陵詩云。君不見漢家山東二百州。千村萬落生荆棘。總有健婦把鋤犁。禾生隴畝無東西。(兵車行)荒落之象。有如此者。戶口之少。生計之困。數千年來。所以不如東南。其原因正在此。王船山謂因運粟而農功廢。實不知因農功廢而始運粟以供京師也。至如後來之遺患東南。蓋如釐金然。今日之流毒遍天下。豈始事者所及料。倘原其初意。北人捨性命以衛南人。南人竭筋力以報北人。

公義上本應爾爾。船山祇知農夫織婦之苦。獨不念征夫思婦之苦。更有甚于此者乎。（查江浙糧賦之重。由宋元之季。羣雄割據。搜括增加。元明因之變本加厲。其事由南人自取。日知錄論之甚詳。姑不具引。）總之斯二策者。皆世界殖民政策中最狠最兇之斬根伐芽主義。列強新得屬地。近日所不敢輕用者也。有賀長雄氏之策滿洲也。除其文化主義而行其澎漲主義。說者謂此策果行。滿洲無再見天日之日。使錢氏此策將來而無力于中國則已。將來而有功于中國。北人共有見天日之日乎。北人北人。空穴中風入之。虛室中盜發之。使長此而不求進步。謀我者豈僅在異族哉。勉力爲之。甯使天下笑南人之失言。毋使天下笑北人之心死也。夫同處一國度中。則無人非主人翁。長江流域者。即大河流域人之長江流域也。大河流域者。即長江流域人之大河流域也。

凡屬中國之實業。人人開辦之。挽回之。俱有責任。北人之營業于南也何妨。南人之營業于北也何害。均之楚弓楚得。猶愈于落之外人之手。所最痛恨不已者。不解外人造論之原。妄引之以憑陵我者耳。夫天下事當以實力爭。不當以虛論爭。區區之愚。所以辯論不已者。正恐種族之爭之外。又添以省分之爭。省分之爭之外。又生以南北之爭。今日見之于學界者。一筆一舌。他日見之于政界者。一鐵一血。又豈祖國之幸福而前途之佳徵哉。使此事一筆一舌而可了也。小子雖爲反對者。亦馨香而祝之。使此事一筆一舌而不得了也。小子願作旗下卒。衰經而從之。然吾草此書時。先禱神佛。祈上帝者三日。使吾同種無興南北之戰。否則無使東家笑而西家哭。否則兄弟鬩于牆。外禦其侮。無使漁翁得利也。

執事素持公道于天下。請佈之報端。質諸天下之明公理者。有以教我幸甚。

于右任謹上





# 中國大事月表

## 乙巳五月

(錄補)

● 一日 有俄兵一旅團侵入伊犁塔爾巴哈

台嶺自科布多迂迴烏里雅蘇台之東

北直抵扎薩克圖地方測量險要遍立

標柱再沿色楞格河從買賣城東南而

至恰克圖與俄步兵一師團之從貝加

爾侵入者相會再溯色楞格河之上流

犯我札薩克地方現政府以此事命胡

惟德即向俄政府交涉

中國大事月表

● 二日

廣州十商會議抵制美約

湖州士商集議抵制美約

考試出洋留學畢業生

俄艦逐艦一艘戰敗逃來吳淞

俄將列內維樞現在伯都納西面蒙古

一帶搜括糧食

浙江廩生虞輝祖創辦科學儀器館奉

旨賞加國子監學正銜

● 三日

江西與閩粵接壤之會昌定南長寧等

州縣現有匪徒聚眾起事已由贛閩粵

三省督撫相約會剿

直督袁世凱禁止南省銅元裝運進口

俄國請我政府要求日軍撤去新民府

駐兵日本以俄國會利用此地以抵抗

日軍不允撤去

紀事

●四日

日本滿洲總司令部不准中國官員征收由通江子至營口沿遼河各處釐稅俄人私購庫倫土地數處

日本魚雷艇東雲號駛入黃浦江於二十四點鐘限內出口

四川總督錫良奏開設成都官立銀行一摺奉 硃批財政處戶部知道

蘇州士商會議抵制美約

有法教士携華人數名洋槍隊二百名至蕙安縣教堂接事教堂亦鳴砲相迎

現由外務部照會法使嚴行查究此事

●六日

商部聲明商標章程以漢文為準

湖南長沙設立鐵路總公司委派張祖

同席匯湘為總辦

政務處議覆黃昌年片奏各省創改章

羅卜

程及議定事件其業經奉旨允准者應由政務處刊布一摺奉旨依議

二

伊黎將軍馬亮奏自行招股任伊黎創辦皮毛公司一摺奉旨該部議奏

去月廿六日黃昌年奏參江督周馥摺中有殺兵滅口媚外失權各款奉旨交張之洞查覆

飭令各省將軍督撫並各關道酌量籌解京師習藝所經費

俄國代理公使向外務部聲言中國鑲京張鐵路如有借用他國資本俄國必出而反對

俄國駐在庫倫之使臣運動該處喇嘛到俄國境內傳教許以每日供給一百

羅卜

羅卜

羅卜

羅卜

羅卜

羅卜

羅卜

羅卜

羅卜

羅卜

●八

日

俄國代理公使向外務部聲明若中國拒絕俄國之所提議不能將蒙古一帶之中立地界允為擴張則俄國當令兵隊直進蒙古中國不得再責以違犯中立。

戶部造幣廠開工。

外務部仿照米穀辦法酌定連煤出口章程除照會各國公使外並由總稅務司轉飭各關一律照辦。

●九

日

新疆巡撫潘效蘇奏哈薩克民人常率

衆入境游牧並搶掠盜竊情事現已

遵旨設立卡倫十七處駐兵查禁

蘆漢鐵路黃河橋工告竣

福建士商倡立保工會以抵制美約

政府飭各省無論路政礦務不得借用

中國大事月表

●十一

日

外款或附搭外股及由外人包工等事。駐日公使楊樞請定派遣留東學生學額。

刑部咨請理藩院酌改札薩克各部落及蒙古各旗刑律

福州天津士商均會議抵制美約

政務處會議擬裁九卿衙門

政府命直督袁世凱答覆俄國北京以北之鐵路當以中國資本自行築造

兩廣總督岑春煊電部請挽回九廣鐵路利權

安徽巡撫在署中添設督練公所

裁撤廣西柳州轉運局

德國聲明膠州總督可得在其管下便

宜施用其行政權

●十二

日

紀事

俄國病院船克斯圖魯馬號駛來上海

商部奏訂江西鐵路章程奉 旨依議

●十三日

外務部電令出使各國大臣探聽各國

政府對待日俄和局主見如何隨即電

聞

議派專使參預日俄和議

外務部致電山東巡撫詢問德國請在

濟南設總領事事

華商與日商訂約合創鐵樹公司於上

海

●十四日

派員前往日本調查宮內省制度

練兵處不准廣東移建製造局於清遠

●十五日

奉 旨交片命各衙門會議六部增設

丞參事

學務處通飭各省提倡蒙小學堂

四月初十日四川富順縣民變毀署嚴

官罷市一日

營口士商會議抵制美約

●十六日

俄國照會新疆巡撫擬欲租借綏來庫

爾喀等處煤油礦地

政務處咨催各衙門嗣後凡有具奏摺

件務於奉 旨後即行抄送以便刊布

閩省紳商有電入京不認張振勳為商

務大臣

北洋督練處議定租用草場牧放戰馬

新加坡天津汕頭南京杭州潮州各地

士商均會議抵制美約

●十七日

取回粵漢鐵路需款七百萬兩

政府已飭派重兵駐守庫倫

●十八日

上海租界巡捕房不遵向章凡押解公

● 訊斷之犯無論定案與復訊均欲帶回捕房現由上海道與領事領事交涉戶部尙書張百熙飭各司員條陳戶部利弊

● 四川五屯各地礦產統歸官辦

● 十九日

上海商務總會首董會鑄聲言美國不依期改定工約當照前議專設總會聯絡各埠實行抵制各法

外務部會議擬定各國駐京公使除呈遞國書 觀見外所有該公使及參隨

並公使夫人例應 觀見者以分後為兩季進內 觀見

戶部庫款所存不滿三百萬

廣東裁缺糧道事務決定歸併藩司辦理

● 二十日 四川新創吸水機器

四川萬縣創設商會

● 廿一日 在南非洲脫國之華工八百名被逐出境

境

江蘇巡撫陸元鼎奏設實業學堂

學務處批准僧人覺先請設佛教學務

總公所於京師

● 廿二日

駐滬英商致函外部責中國不守馬關條約詳細情形

奉天將軍趙爾巽請由各省共籌款一

百萬以為東三省善後之用

俄紅十字船一艘駛來上海

杭州士商會議抵制美約

● 廿三日

有回民三萬七千名闖入俄國南部伊立文省之阿米尼亞村落肆行擾亂

紀事

●廿四日

美政府答覆中國不宜派專使干預和議且當注意兩戰國之舉動以為進退

徽州太平府添設官電局

長江提督移駐鎮江

揚州士商會議抵制美約

●廿五日

電諭各省督撫條陳中國對待和局辦法及東三省善後事宜並命各衙門籌

講密奏

德使不允撤退山東高密縣之德兵

德國聲言並無先自撤退中國戍兵之意

意

英使以英人凱約翰承辦銅官山煤礦

合同並非逾期尙未開辦不允作廢

湖南洋務局詳請照會英國謂在英注冊之長沙礦務公司不合條約章程請

冊之長沙礦務公司不合條約章程請

●廿六日

即停辦以免糾葛  
練兵處電催各省咨報編改陸軍營制情形

●廿七日

出使大臣胡惟德請派專使參預和局外部尙書已允日僧人內地傳教

袁世凱請外部阻止日軍由新民屯築行軍鐵路至法庫門

美使請許中美合辦陝西榆林延安屬內煤礦

河南巡撫陳夔龍奏請改撫民廳為直隸廳

山東巡撫楊士驤奏併欽命武衛右軍先鋒隊

湖北火藥局新庫成

錄

錄良調補戶部右侍郎增崇調補兵部

錄

錄

錄

左侍郎

●廿八日

王文韶開去軍機大臣差使  
上諭徐世昌著在軍機大臣上學習行  
走

江督設江北學務處

江西辦茶商不照納盈餘茶稅

●廿九日


徐世昌派允政務處大臣  
鐵良徐世昌均著會辦練兵事宜

●三十日


袁世凱周馥張之洞聯銜奏請自今十  
二年後實行立憲政體

安徽紳商電爭銅官山礦權以凱約翰  
逾期不辦擬請廢約自辦

中國大事月表



紀事



九